



Sl. 10.

11

144/62





Digitized by the Internet Archive
in 2016 with funding from
Getty Research Institute

17
18

17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

CHIRON
ACHILLIS.





Medys tranquillus in undis.



Io: Francisci Bonomij Bononiensis


CHIRON
ACHILLIS,
SIVE
NAVARCHVS
HVMANÆ VITÆ,

Morali Emblemate geminato ad felicitatis portum perducens.

Ad Nobilissimam, ac Sapientissimam

IESV SOCIETATEM.

Aduersa Animi,



remedia Animæ.

BONONIÆ M. DC. LXI.

Typis HH. de Duccijs. Superiorum permissu.





V N I V E R S I S
E' S O C I E T A T E I E S V
Patribus amplissimis

Io: Franciscus Bonomius

F E L I C I T A T E M.



V Obis , Integerrimi P A-
TRES, Eruditissimi ter-
rarum Chirones , non minùs Sa-
pientùm in Athenæis , quàm in
penetralibus Regum securos v-
bique immortalitatis ardores in
Achilleos animos spirantes , se
quoque meus CHIRON ACHIL-

LIS imbuendum tradere non
erubescit. Imò potiùs erubescit,
cùm, Vestri licèt Nominis am-
plitudine decoratam deferens
frontem, ad lucidissimum Ve-
stræ nunquam aberrantis pru-
dentiaë iubar, vel Vestrorum
amictuum nobilitate, nequeat
errores obtegere. Verùm vulga-
ri Mundo clariùs hos lætatur ni-
tescere; ne magnam primo alpe-
ctu admirationem excitare, ma-
iores inde excitaturus censure ca-
chinnos, videatur optasse. Satis
n. superq; illa duo circumferun-
tur Adagia, inscriptionem .i. qua
Cæsareæ Ceruæ caput exornaba-
tur, inertes Clodianæ Simiæ ge-
sticulationes à derisionibus ser-
uare

uare intaminatas, neque Leonis
Nemei exuuias Sileni vectorem
ab illusionibus valuisse tueri. Et
nonne ante Phæbeos vultus, ut
caliginosæ laterent erratorum
nubes, dementis animi se foret
exponere? Ad IGNATIADVM
ergo faces longè, latèque collu-
centes venerabundus, ut in lu-
cem prodeat, accedit NAVAR-
CHVS; ad imperturbabilis Ve-
strę humanitatis allabitur sinum,
ut, si quas Virtutis vexerit gazas,
quæ Cæsarum sunt Cæsaribus
reddantur; atq; tot erroribus a-
ctus, placidoque tandem IESV
fretus fidere, inconcussâ perfrua-
tur quiete, longèque Zoilorum
Scyllas impunè despiciat obstre-

pentes. Hæc igitur , qualiacun-
que sint, insectamenta monstro-
rum (Vitiorum dico) quæ haud
in Syluis , sed in Urbibus passim
degentia , non telis , sed calamis
insectatus est CHIRON , non
inconsonè Vobis deuoueo , qui
de illis magis magisque in dies
magnos reportatis triumphos.
Hæc quidem Vobis (quibus ma-
ximè teneor) gratitudinis neces-
sitate , aut debito meæ erga Vos
beneuolentiæ (quæ omnem ex-
cedit terminum) consecrare non
audeo ; quippe vectigal afferre
imperfectum , potius est meri-
tum amittere , quàm beneficio-
rum memoriam fateri ; & genij
impetu res emissas , animo longè
infe-

inferiores largiri, potiùs est passioni cedere, quàm rationabiliter operari. Caterùm intelligat Orbis, hæc eadem me Vobis dicare, non vt vestris virtutum approximata nitoribus, spectabilia magis efficiantur, aut vestris adnexa trophæis, ad immeritam spectantes excitent laudem; nanque mei ex opposito defectus sic clariùs elucescerent. Verùm ob id solùm Vobis hæc nuncupare confessor, quòd omnia prepter magna, quæ in Vobis eminent merita, quacunq; maiori dedicatione dignos Vos fateor. Atque id prudenter perago, vt in hoc saltem ad eam (quæ meo deest libello) ad vos accedendo, accedam

dam perfectionem , quos om-
nium Ingeniorum admiror Su-
biecta , Religionis Specula vene-
ror , & Catholicorum Gemmas
intueor Diademmatum . Valete
in I E S V , inexticcabiles altissimæ
Sapientiæ fontes .



LECTORI
OVIDIVS,
MONT'ALBANVS,

*Vtriusq; Liberalium Artium Col-
legij Bonon. Decanus, &c.*



Litterarios hosce tibi lege, inno-
centesq; carpe fructus, dile-
cte LECTOR, & eruditissi-
mum Virum Io: Franciscum Bo-
nomium non unius, sed complu-
rium CHIRONE M Heroum
doctissimū ingeniosissimum com-
peries. Dicesq; Verè quod in Græ-
co fertur adagio ἄλλων δρῶν βα-
λάνιζε; *Quæ minimo vel obtutu
gran.*

grandia hîc Immortalitatis perspi-
cies Artificia, ea ingentem Auçto-
ris Ingenij sublimitatem indicare
quidem valent, sed eiusdem, un-
dè impensius admirere, doctrinæ
profunditatem ex æquo haud osten-
dent, nî pauca hæc præmonita ti-
bi adaperiantur. Scito igitur Libri
huiusce liberrimum, egregiumque
undequaq; Scriptorem de studijs,
studiosisque omnibus benè mereri
semper studentem immanes Libiti-
næ minas, quibus illius domesticæ
non solùm, sed Hygeiæ intimioris
fortune periclitari sæpius visæ sūt,
in tui commodum animosè sprevis-
se, fortissimèq; superasse, & aliquot
annorum laboriosa vacuitate im-
pleta, hunc tibi nunc typicè oblatum
ma-

maturasse Librum, ut benigniori
fortè temporis beneficio cætera quoq;
magna ex parte efformata eodem
in genere perficiantur. Eundem
interim Scriptorem calami poten-
tem agnosces, Musarum ceu fra-
trem Heliconicolam fateberis, Cæ-
loq; Sapientiæ dignissimum efferes;
ille nanque veram Salutem non
Nubibus opertam, sed cunctis a-
mabilem, cunctis spectabilem sua-
uissimè reddidit. Omnium iti-
dem affectuum, & passionum
Habenas cohibere, & regulare fa-
cillimè demonstravit; stimulantem ad
rectè, beatèq; viuendum Calcari
obedire clarissimè ostendit, & in
summa Mortem seriò deludere,
verèq; remorari, Palmis gloriosè
dite-

ditescere, tristesque Rhamnusidis
iras extinguere Emblematica
Moralitate pretiosissima, & plus-
quam aurea certissimè, & infalli-
biliter docuit. Nec deerunt, crede
mihi, styli venustissimæ interci-
siones iudiciosa soliditati iunctæ,
quibus mirum in modum recrea-
beris, bonoq; inmodò optimo undiq;
affluent omne elegantissimè obse-
quiosa vitæ melioris præcepta vin-
cere, & vincere animos sueta. Ex-
tra omnem aleam senties particu-
latim scitissimam Aeris inuentio-
nem, gemmatum Epigraphes ordi-
nem, ac ipsum Emblemata non so-
lùm prosaica incomparabilis lepòris
eruditione viuaciter extensum, sed
stricta quoq; Distichi breuitate re-
dupli-

duplicatum admirabilissimè . V-
numquodq; Emblematum Aucto-
ritatibus coloratum nobilissimis, &
Sententijs irrefragabilibus valla-
tum, innixumq; supremam conne-
xam in se volvere utilitatem in-
uenies. Materiam discursuum bi-
nis continuò exemplis à contrario
desumptis fœcundatam, siue in re
acta, siue in re cognita simpliciter,
vel mixtim tanquam matrem
doctrinæ uberioris, amabilioris su-
spicies, veneraberis. Si quam for-
tè semel excisam in Carmine licen-
tiam, quoque exemplo fauorabili
condonabilem, inspexeris, tuum
erit & Versus angustiae, & Sen-
sum amplitudini eam remittere.
Omni procul obscuritate res cognitæ

in Imaginibus amplissimam, generosè non minùs, quàm luculenter euocantur in lucem. Ponderibus librata suis Sententiarum gravitas, conceptuum plurimorum grunda si delibetur, noua semper pariet mōstra Virtutum in hoc Opere. Libri mox Titulus sublimi ferit sidera vertice, probatissimisque vocabulis, quæ continet, immortalitatem prouocat amicissimè ad maliuolorum, si qui sint, vocalitatem obruendam, inuidiamque liuore leuandam. Tuos ergo iustissimos nè deneges plausus, qui metas pellant efficaciter sequentium Librorum, iuxta eiusdem Scriptoris in hoc Volumine Catholicæ mentis professionem edendorum. Sinceris-

*cerissimum tuum huiusmodi fore
iudico iudicium, in quo Pes & Ca-
put uni reddantur speciosissima
formæ. Vale.*




D. I O S E P H I
B A P T I S T Æ,

*Consideratur Pars Tituli inscripta
Nauarchus humanæ Vitæ.*



NVlla tenebrosis quanquam
turbata procellis,
Te Duce, Christiadum naufraga
puppis erit.



P. HIP.

P. HIPPOLYTI

GRASSETTI

E' SOCIETATE IESV.

*In Epigraphen Libri Emblemata-
rum Moralium.*

BONOME, Phillirides quod Achilli contulit vni,
E' Libro referent postera secla tuo.

Si semel effrænum domuit mare
Typhis, in æuum
Fræna aliud capiet, te domitore,
mare.

Heroas geminos in te qui colligis
vno,
CHIRONA, & TYPHIN, BONO-
ME, quantus eris?

EM.

EMBLEMATVM
LEMMATA
BIFARIAM VARIATA.

I.

P Aruis magna nitent.
Virtute prævia.

II.

Semper in altum.
Summa petit Virtus.

III.

Vigilandum.
Quomodo dormias discē.

Ho-

IIII.

Hodie sapere est sibi consulere.

Moneta scientia Vulgi.

V.

Custos, non Dominus.

Nè ultra munus.

VI.

Alta ruinas.

Quò summiùs, dubiùs.

VII.

Dat, & non habet.

Rostro, non mente.

A

Tem-

VIII.

Tépore diminuerè est augere.
Adime, crescet.

IX.

Opportunè, si non sanè.
Consilijs supplet tempus.

X.

Ab externis interna.
Forma dat esse rei.

XI.

Huic credas.
Vera vita mortis speculatio.

Non

XII.

Non semper vires.

Nè quidquam temerè.

XIII.

Vt ducta ducit.

Qualis vita, finis ita.

XIIII.

Non quantum, sed quale.

Substantiam non facit accidens.

XV.

Dum pura.

In claritate sanitas.

XVI.

Ex incommodis commoda.

Quod non tibi, nec alijs.

XVII.

Modicè, & tempore.

Sollicitudo malum accelerat.

XVIII.

Ni inflata.

Omnia otium vitiat.

XIX.

Difficilius retinere, quàm conse-
qui.

Quà non aufugit capias.

Acta

XX.

Acta genus monstrant .
Mali corui malum ouum .

XXI.

Nè nimia .
Immoderata nocent .

XXII.

Quò plus, minùs .
Præquirere vitare non est .

XXIII.

Comprime, & nosces .
Siquid succi .

XXIII.

Talenta, non Thalia.

Aurum vera chelys.

XXV.

Res humana bifrons.

Vbi mel, ibi fel.

XXVI.

Aut caue, aut siste.

*Non intrandum, si norma de-
est.*

XXVII.

Non omnibus æqua.

Fors semper forsan.

In

XXVIII.

In peius.

Nusquam meliora.

XXIX.

Obtenebrat, & clarificat.

Diversæ causæ diversus effectus.

XXX.

Tempore insanire sapere est.

Interdum seria nugæ.

XXXI.

Si captus, capio.

In ferro est libera Virtus.

XXXII.

Graua ex modo leuia.

Victrix malorum patientia.

XXXIII.

Medium tene.

Qui se detorquet, torquetur.

XXXIII.

Speciosa foris.

Intus ab opposito.

XXXV.

Verti ad meliora Virtus.

Cedendum tempori.

Vt

XXXVI.

Vt nutritur.

Vti insita.

XXXVII.

Bonum tandiu bonum est, quan-
dium facimus.

Vt sumitur omen.

XXXVIII.

Prout aura.

Vertitur ad ventum fumus.

XXXIX.

Ornando præcipitat.

Pulcra ut plurimum nocua.

A S

Quà

XL.

Quà vincit, non quà vincitur.
Maiori periculo succurrendum.

XLI.

In re modus.
Violentiâ inuertitur ordo

XLII.

Permoue, flabit.
Folles linguarum aures.

XLIII.

Ab externo fulgore suspice.
*Prudens qui apparentijs non
credit.*

Tur.

XLIIII.

Turpis ex fletu risus.

Quando malis parantur mala.

XLV.

Et benè, & malè parta.

Se fraudat fraus.

XLVI.

Vnâ duce.

Vulgum sequi ruere est.

XLVII.

Caula, non Aula.

*Non seruit qui imperat, nec im-
perat qui seruit.*

XLVIII.

Si non bona, nec benevolentia.
Amicos secundæ res parant.

XLIX.

Semper vermes.
Fortuna non mutat genus.

L.

A minimis interdum maxima.
Pueri nè tempseris annos.

LI.

Fabulam distinguit exitus.
Finis coronat opus.

Io: Francisci Bonomij Bononiensis

CHIRONIS
ACHILLIS,

S I V E


NAVARCHI

HVMANÆ VITÆ

P A R S P R I M A.

Paruis magna nitent.

I.



Ouidius.

*Cura Ducum fuerūt olim Regumq; Poëtæ
Carmina quam tribuent, fama perennis
erit.*

Vir-



Virtute præuia.

P Aulūm sepultæ distat inertię
Celata Virtus.

Quæ in suo splendore vt Sol nī-
tet, si nubibus obliuionis obum-
bretur, licet eclipsim omninò
non patiatur, attamen in propriò
non elucescens lumine, erit idem
ac si illo vndiq; priuetur. Quam-
obrem opportunè melicus pro-
tulit Cycnus,

..... neque,
Si Citharæ sileant, quòd bene fe-
ceris

Mer-

Mercedem tuleris.

Vero verius patet Diademmatum ponderi, quæ in Regijs vacillant apicibus, firmiores columnas gentilibus Plectris non reperiri. Viuam, quamuis mortui, exhibent fidem Scipio, Alexander, Æneas, Domitianus, ac alij innumerabiles Viri, quorum memoriæ vnà cum corporibus cecidissent, ac marcuissent, si Ennij, Cherilli, Maronis, Silij, aliorumq; Vatum fulcimentis Penarum, ac atramentorum balsamis suffultæ, & seruatæ non fuissent. Heroum facta, nî dictis Doctorum celebrentur, lucentia sunt fulgura, quantùm nitida, tantundem fugacia. Hominum
exi-

existimatio nunquam agnosce-
tur, nisi sit qui in conspectum
Orbis eam ponat. Vates soli sub-
limibus pennis præclaros actus
ad gloriæ subleuant apogæum.

*Dignum laude Virum Musa
vetat mori.*

Orbis conceptui pro Sinone lixa
inertissimo poterit haberi stre-
nuissimus dux Achilles, nî ab
Homero decantetur; pro Licinio
Virtutum inimicissimo illarum
amantissimus Octavius, nî à
Cornelio Gallo extollatur; pro
iniquo Caligula iustissimus Ju-
lius Cæsar, nî à Lucano celebre-
tur; pro sæuissimo Nerone pijsi-
mus Germanicus, nî ab Ouidio
mille præconijs sustineatur. He-
roum

roum gesta libelli sunt supplices,
qui ad immortalitatem dirigun-
tur. Nisi ab Apolline rescriban-
tur, nihil proficiunt. Non abs re
prouidi Lacedæmones suis Re-
gibus, antequam bella suscipe-
rent, Musis holocausta offerre
imposuerunt. Discordes tuba-
rum clangores sine Cithararum
sonitu sapientissimi illi Patres
cognouere. Ecquis ignorat ea
nomina, quæ Hippocreneis in
fontibus Clio non abluit, Le-
thæis in undis facile naufragari &
Honoris in Oceano qui Penna-
rum antennis Princeps non uti-
tur, rarò non submergitur. BA-
LAENAE instar in æternitatis iti-
nere si Poëtam pro PISCICV-
LO

LO quodammodò sibi viam
 præmurmurante non præmit-
 tat, in obliuionis scopulos facilè
 incidet. Lector, mutum hunc
 Pisciculum pro dulciloquo Vate
 nè condemnes. Non eum in-
 consultò hîc posui. De paruo
 quod hætenus pronuntiatum,
 & de mul o, quod tam nobili
 in materia meæ defuit expres-
 sioni me ab illo increpandum
 non sustinui. Sed vt ad primum
 reuertar, Pindi tantùm rores in-
 flore gloriam semper seruare ite-
 rum confirmo. Tandiu tempo-
 ris fulminibus immunes aureæ
 sunt Coronæ, quandiu Laureis
 racemis septæ defenduntur. Quæ
 fabrili scalpello monumenta in-
 cidun-

ciduntur, paulò altiùs à terra eriguntur; ac incisa, lapides ipsos penetrando, penè sepeliuntur. Tantùm vbi sunt memorias signant; & si quas tamen retinent, vt in lapidibus signatas, terreas monstrant. At quæ Poëtico sculpuntur stylo, in Immortalitatis adamantibus inciduntur. Vt volatili calamo impressa, vbi que se extollunt. Cur tot **EXTENSIVM** Heroës nubila transcendunt? Candentes eorum **AQUILAE** ad Perennitatis Phœbum sibi Cynos præmiserunt. Cur tot **FELTRIORVM** Proceres Æternitatis solium attingunt? Eorum **ROBORA**, aureas umbras diffundendo, aurea

rea secula Poëtis effudere. Cur,
inquam, tot FARNESIORVM
Duces Immortalitatis florem
delibant? Eorum FLORES Lau-
ros semper coronarunt. Vos tot
MEDICAEI, cur annorum ro-
tam effregistis? Vestris ex OR-
BIBVS, tanquam è Sphæris be-
nignissimis, Vatibus semper fe-
reni imbres deciderunt fauo-
rum. Vos tot GONZAGAE,
cur Lethes flumina quadruplici
VOLANTIVM Alarum anten-
nâ celerrimè transfugistis? Non
ficta Mincius, vobis imperanti-
bus, Cynis obtulit pocula. Vos
demum tot EMMANVELES,
cur ad Famæ apicem sublimiter
euolastis? Cætera inter vestra

Do-

Domus Insignia veracem PEGASVM non renuistis. Nec te illaudatam transibo, Regia BORBONIORYM Propago, Aurea cuius tergemina LILIA Ver perfectum Litterarum Professioribus assiduè portenderunt Tuque, omnes coronatura, Monarcharum decus, felicissimi ominis Mundo ALES AVSTRIACA, cur Immortalitatis Solem fixo semper lumine perlustrabis? Ipsa in Solem conuersa, ad propitia tui lumina Cycnos ipsos suavi quodam portento in Aquilas transformasti.

Vno verbo, Lector eruditissime, ij omnes Regnantùm, qui suorum ambagibus Diadem-

ma-

matum nidos Cycnis compo-
 fuere, ij soli Gloriam inter Coro-
 narum lepta per omne tempus
 munitam incluserunt. E' contra
 verò quorum Diademmatum
 acumina Poëtas, negligendo,
 vulnerarunt, licèt gloriosissimè
 vixerint, tot iaculis à se famam
 amouerunt. Id testatus est Ve-
 nusinae gentis Dircaeus splendor,
 qui cum alijs Mecœnas gloriæ
 prodigus viueret, Orbem Me-
 cœnatibus locupletauit.

*Vixere fortes ante Agamemno-
 na;*

*Multi; sed omnes illacrymabi-
 les*

Vrgentur, ignotique longa


Nocte, carent quia Vate sacro.

Sit

Sit ergo

*Calliope requies hominum, He-
roumq; voluptas.*





Parvis magna nitent.

I.

H Eroas vincit Tempus, nisi Car-
mina tantum
Vincuntur melicis secla fugata fu-
gis.



B

Sem.

Semper in altum.

II.



Claudianus.

. Virtus
 immotaque cunctis
 Casibus, ex alta mortalia despicit arce .

Sum-



Summa petit Virtus.

..... **T** *Endere sursum
Nititur assidue cognata ad si-
dera Virtus.*

IGNIS, qui pro centro sphaeram tantum cognoscit, audax dici non debet, dum semper ad illam se subleuat. Potest quidem Terra illi alimentum praestare, non pro centro aptari. At temerarius profecto est credendus, qui combustibilibus obstaculis eum tentet reprimere. Huius imagine potest Virtus non dissonè ad-

umbrari; licèt hæc, vt ille, extinctioni non subiaceat. Nunquam fragili persecutionis LINTEO op. primitur, quin ad Cælum, è quo oriunda, sublimiùs se extollat. Ecquis ignorat illam, quæ termino caret, terminatas inter angustiarum angustias non posse consistere? Istæ non nisi vt se magis efferat ipsi deseruiunt. Illa purus omninò est spiritus. Vt leuis, terreo mixto diu non potest suffocari. Quæ partus diuinus est, in parte Hominis sublimiori collocatur. In huiusmodi sedis eminentiâ abiectio tribulationis pede nequit conculcari. Imò

. *Tunc celsior exit,*
Cùm

Cùm premitur Virtus .

Non immeritò ingenium , ac
Virtus quodammodo inter se
conuertuntur . Vt enim illud
semper ardua , & suam quoque
possibilitatem excedentia , ple-
runq; cogitat ; ita hæc ad subli-
mia , & omnem vltra profundi-
tatem se subleuat . Qui , *Sapiens in*
terris nullus reperitur , dixit , & qui
Σοφίῳ μὲν ἀλίγκιος ἀθανάτισι ,
protulit , ad elatas tantùm ætheris
partes Sapientiam vertere asse-
uerarūt . Lato quantumlibet ore
nigrum suæ prauitatis virus su-
per huius nitidissimi Ignis puri-
tatem effundat Ignauorum ser-
pentium vulgus ; Non modò il-
lius nigredine obscurari non tre-


pidat, sed quidquid infecti inuenit, tollit. Quinetiam si vipera, aquam priusquam ingrediatur, venenum euomit, hoc in Igne aurum ipsum, damnosior coluber, non solum omni venenosa expurgatur qualitate, sed perfectionem acquirit. O diuinos Virtutis effectus! Beneficium ei conferre, qui damnum inferre tentat, idest dignum qui publice legatur in chartis reddere, qui in priuatis congressibus de se indignè linguam enodauerit. Hæc mera est ratio, cur semper exalteris. Opprimite, inquam, hanc inextinguibilem gloriæ Flammam, alienorum partuum voraces Lupi. Semper crescens
illius

illius fulgor vos terrebit; stridor arcebit; ac color, præ vestra internarum cogitationum prauitate, vos coget erubescere. Quid speratis? Illam perfidiæ extinguat Notus? Ab ipso vires sumit. Sed vestras intentiones secundet, quid creditis? Magis se, extinguendo, viuificans, cineres, quibus albo proprias felicitates signet lapillo, ac carbonibus, quibus vestræ spei funus tristi notâ exprimatur, relinquet. Quid mirum, si tot persecutionum obscuritates patiatur? Nunquam flamma absque fumo potuit reperiri. Attamen si illam fumus concomitetur, flamma esse non desinit. De hoc Naso-

nem, Senecam, ac Ciceronem
 consulite. Hi veræ tanti Ignis
 scintillæ, quamuis acu, lanceo-
 lâ, ac exilio extinctæ, genero-
 siùs in altum se sustulere. Has
 inter pro cunctis vna quid sibi,
 & alijs euenturum foret clarifi-
 cavit, dum mellifluo stridore
 personuit,

*Difficile est, fateor, sed tendit in
 ardua Virtus;*

*Et talis meriti gratia maior
 erit.*



Sem-



Semper in altum.

II.

Quomodo Virtutem vis præcipitare deorsum?
 Sublimi è cerebro nata Minerva Iovis.



Vigilandum.

III.



Chrysologus.

*Plus vigilare plus vivre est. Nam quid
tam Mortis simile, quàm dormientis a-
spectus?*

Quo-



Quomodo dormias disce.

Quid quisq; vitet, nunquam
homini satis
Cautum est in horas.


Pericula in terra, pericula in mari,
pericula in solitudine, pericula
in ciuitatibus, vndiq; pericula.
Omne culmen suas monstrat
ruinas. Mortalis, fabulosus licet
fores Argus, non satis cerneret.
Natura duos tantum fronti oculos
apposuit, vt millenos menti
aperiret. Quid est quod de Fa-

to, si mala euenerint, queramur, cum illa ipsi queramus? Alienam sortem semper venamur, & tamen proprius quemque inuoluit labyrinthus. Omnis conditio harmonia est; pausam non facit, quæ suspirijs non terminet. *Nec ipsa inter Fortunæ obsequia satis cauta mortalitas. Non somnus, non vigilia, non cibus insidijs ualens. Regijs ceruicibus tenuissimo appensi filo enses plerunque imminent. Imperantium baculi non tam potentes sunt virgæ, ut serpentium venena incantent. Excidia Ducum triumphis munera non semel vidimus. Diuitiarum copijs potiùs mortes, quàm com-*

commoda emuntur. Deliciarum pelago immerfis Amantibus nil prodest, *Parcite dum propero*, exclamare. Petulantium Fæminarum gulæ dum saturantur, Eloquentium linguæ terebrantur. O Virtutem deprefsam! O Amorem deceptum! O Opes damnofas! O Palmas lethales! O Sceptra frustranea! O Coronas pungentes! O *quàm multa ubique intolerabilia!* Ecquis igitur qualemcunque Hominum conditionem defideret? Eorum vita, quæ à Sapientibus pro mari habetur, nil nifi naufragia celare poteft. In hac Mortales nauitæ fumus. Si vel parum dormierimus, multum pe-

periclitabimur. Tam fallaci in Oceano fit nobis fulgidum Sidus hoc ardens CEREO LV M, cuius quot sunt circumuolutiones, tot nobis euoluuntur pericula. Innumera illius ambages, varios indicantes status, quamcunque conditionem, nî vigiletur, propria incendia posse pati demonstrant. Sic vbique *vigilandum* nos monent. Dormiat Nisus, regnum, ac vitam amittet. Vigilet Macedo, plures triumphos, quàm certamina enumerabit. Semper igitur vigila.

Et si semper nequis vigilare, saltem ita dormi, ut vigiles intus, & exterius.



Vigilandum.

III.

Mortalis , vigilans semper tibi
spiritus esto ;
Nam nimis (heu !) carpis somnia sæ-
pè vigil.



Hodie sapere est sibi consulere.

IIII.



Euripides.

..... Virtus hominibus!
Moneta recondita est omnibus!

Mos



Moneta Scientia vulgi.

O *Cives, cives, quærenda pecunia primum est,*

Virtus post nummos,

auarum quotidie exclamat vulgus. Luge Pallas. Diuitiarum trophæatarum Virtutum sunt funera. Animi dotes, cùm talenta non sint, Virtutem auro nequeunt desponsare. Simul coniungi non possunt clara Hippocrene, ac fuluus Pactolus. Luge Pallas. Quantum tibi satius, ne huic ætati ingrata fores, vt ex

Da-

Danaë's sinu , non ex proprio cerebro, te Iupiter procreasset ! Auriumbres , non sanguinis pluviæ ab illius vulnere manantes , amore erga te Mundum fecundassent . Parua cranij crassities tuæ existimationi medianus fuit paries . Paulò altiùs nasci oportebat . Regalis Corona , quæ supra illud , non diuinum ingenium , quod sub illo , te insignem effecisset . Ossis tegmen funestus fuit lapis , qui tuas operuit fortunas . Diademmatiss circuitus theatrum illis fuisset . Si tui Genitoris Percussor ad illius ostium capitis aureo malleolo pulsasset , electior sanè posteritati exiisses . Qui ignis fuerat Deus , si auro , non
cha.

chalybe , illum temperasset , &
 Tu auro, non ferro, munita eru-
 pisses; sicque in existimatione
 rubigini non subiacuisses. Infelix
 Numen ! Tui quantum mise-
 reor ! Si in tuis prodigijs cautius
 eras , gloriosius colereris. Erra-
 sti. Aureus tantum, non Oliuæ
 ramus erat emittendus, vt illius
 fulgore clarius enitesceres . He-
 sperius Serpens , non Gorgonis
 caput , in Ægide admirationem
 poterat excitare. Vt aræ tibi ex-
 truerentur, non purioris Vestalis
 habitu, sed corruptioris Mydæ
 amictu, vt hodiernis hominum
 corruptis moribus aptareris, Tri-
 tonidem prope paludem necesse
 erat personam induere . Audi
 sed,

sed, heu, peius ! Θαυμα, ἀλλ' ἔ
 ψευδές ! Nihil esset hodie, quòd
 Cælum relinqueres, victorijs a-
 spirans; nam si olim in vallibus
 Idæ præmium tibi lasciua abstu-
 lit Venus, nunc in potentioribus
 Atrijs & impura Venus, & auara
 Iuno (ac si qua peior Diua repe-
 ritur) auferret. Nunc, inquam,
 quo tempore

*Auro pulsa fides; aurò venalia
 iura;*

*Aurum lex sequitur; mox sine
 lege pudor.*

Ad hoc, peruerse Orbis, tuæ de-
 fectu auaritiæ, miseræ Virtutes
 peruenere. Quid Doctis prodest
 in Literarum inutilium studijs
 detineri, si *Hodie sapere est sibi con-*
suetum.

fulere? Si pro sapientiori parva
habetur FORMICA, quæ assiduè ad commoditates parandas laborat, quàm maximus Sapiens, qui perpetuò ad immortalitatem sibi præparandam exsudat? Sed tua ingentior, Munde, est ignominia, quò maior Formicâ est Homo. I nunc Dionysi, & Speusippum, quòd mercenariam Studentibus scientiam impertiatur, redargue. Acriùs ipse redarguêris. Vbi è contra, tanquam veræ Vir Mineræ laudabitur, si centum minas à Discipulis exigat, Protagoras Abderites. Vos igitur sapientes, Democrite, ac Heraclite. Tu quidem, quòd lacrymabili risu eos, qui

qui veram esse Virtutem diuitias
congerere sustinent, derisisti; Tu
verò, quòd ridenti fletu Virtu-
tem diuitiarum dignitate, fru-
stra licèt, neglectam deplorasti.
Indubitarum enim est, quòd

*Ipsa sibi Virtus tandem pulcher-
rima merces.*

Intelligat qui aures habet.





*Hodie sapere est sibi con-
sulere.*

IIII.

V T sapias, cumula. Haud pro-
sunt verba aurea. Veræ
Flumina sunt Suadæ, quæ vomit vn-
da Tagi.



Custos, non Dominus.

V.



Pindarus.

*Oportet iuxta suam quemq; conditione
vniuscuiusq; rei spectare modum.*

Ne



Nè vltra munus.

V Anus, & arrogans, qui aut
 magna sibi vindicat, quæ
 ipsi non insunt, aut maiora quæ
 insunt. Si hodie à chimerico
 reale non alteraretur, quot sunt
 qui sibi videntur saperdæ, festiui,
 belli, qui se copreas noscerent?
 Et tamen hoc tempore esse diri-
 mit Præsumptio. Hinc est, quòd
 qui hoc laborant morbo, cùm
 alios fallere se existiment, se ip-
 sos fallunt. Hæc porrò deceptio
 mores non solùm, sed artes om-
 nes,

nes, ac ipsas inficit Litteras. Inde euenit, quòd qui infidelissimus est Curio, se Attilium Regulum præsумit; at fidelitatis Regulam excedens, proprię prauitatis assiduum sustinet supplicium. Inde qui vix Bronti assimilatur Vulcanum se iactat; sed clauum pro fulmine extruendo, solum in arte claudicando, Mulciberum imitatur. Inde Alexandrinus Pædagogus Mæonij se Vatis censorem extollit; at dum perfecta carmina se posse corrigere superbit, incorrecti iudicij hominem, totius Orbis risu, illico se manifestat. Hæc speciosa sunt arrogantia trophæa, admirabilia quidem, non imitanda,

da, imò potiùs lacrymanda. Qui audacter vtitur gloriâ, incidit in ignominiam. Turgidum semetipso, ac plenum incedere, est vacuum ac inanem merito se reprehendere. Nihil est, quòd Coruus velit se tanquam Pavonem spectandum reddere. Ut proprias cernat imperfectiones, nihil erit quòd oculos ad pedes tantùm demittendo fatiget. Si ubiq; se circumspexerit, ubique se imperfectum dignoscet. Nec satis erit muribus molendini dominium per aliquod temporis impunè obtinuisse, vt tanquam molitores obseruentur. Pestis verò præsumptionis hodiernos inter Studiosiolos præcipuè inso-

lescit, qui vndiq; arrogantia imbuti, licet nec tria quidem Stesichori noscant, sibi vindicant posse magis docere, quam discere, cum tamen illos sic Sapiens redarguat, *Indocilis est, qui mavult doctus videri, quam esse.* Sibi autumant isti insipientes, eo quod quattuor Litterularum elementa in capite ferant, Scientiarum Vniuersum se componere. Quamobrem in priuatis, ac publicis congressibus eos audimus turgescences, sententias (vt vulgò dicitur) expuere, sed nihil aliud falsis in se retinent, quam quod illis præstat falsiua. Δοκησισοφίαν!


Αλλ' ἐ γὰρ αὐτὸς παντ' ἐπίσταται
βροτῶν .

O vos

O vos dementes, qui plus merito omnibus indifferenter illatran-tes, cùm re vera nesciatis quid distent æra lupinis, in derisionum percussiones meritò inciditis. Vestras huiusce CANIS latratus aures penetret, ac experiemini duros & flebiles sèper fuisse præsumptionis fructus. Tumiditatem igitur deponite insulsi. Alioquin vosmet inanes ampullas ostendetis, quæ si vel leuissimo experientiae ictu lædantur, maxima perfractione, se priùs vitreæ tantùm apparentiæ splendoribus enitentes, non dulci Virtutis liquore completas declarant. Talem se ostendit Rhemnius Palæmon, qui cùm se am-

plissimum Scientiarum archi-
uium iactitaret, maximâ littera-
rum (quibus monumentum sibi
conderetur) pænuriâ laborauit.
Et quidem merebatur, vt sui peri-
ret memoria qui cum sua morte
litterarum memoriam moritu-
ram esse arbitrabatur. Nec mi-
nùs amentem se demonstraui-
t Grammaticus ille Alexarchus,
qui cùm suum Gymnasium Cæ-
lum appellaret, se Solem volebat
nuncupari, licèt potiùs sua opi-
nionē deceptus, errātis stellæ an-
tonomasiā mereretur. Ni porrò
dicendum foret ipsum Lunam
esse in iudicio decrefcentem, nam

*Semper inanis erit mens, quæ sibi
plena videtur.*



Custos, non Dominus.

V.

E St follis qui se iactat; Diffiatur
 inanis,
 Virtutis minima si feriatur acu.



Alta ruinas.

VI.



Seneca.

*Quem dies vidit veniens superbum,
Hunc dies vidit fugiens iacentem.*

Quò



Quò summiùs, dubio-
siùs.

D *Vm nimum magna, vel
nimum sibi damnoſa hu-
mana appetit ambitio.* Fortunæ
fastigia, quæ in ſummo Rotæ e-
uoluuntur, conſequenter lubrica
ſemper fuere. Quò laborioſiùs
ad ea peruenitur, eò moleſtiùs
præcipitatur. Hinc ipſâ cæcâ cæ-
cior eſt qui cæcâ peruagans ducit,
tutè in altum poſſe duci ſe cogi-
tat. Carenti lumine nimis de leui
offendicula obijciuntur. Ab illis

C s in

in summitatis declivio repertis
difficilè incolumis abibit; in pla-
no, facilè recedet. Ergo malè
Hominum lañas mentes, qui
pumiliones cùm sint, gigantæis
volunt passibus incedere. Scito-
te amentes, quòd vestes immo-
dicæ magis inuoluunt, quàm ex-
ornent; & quòd plures limbos, eò
plures habent laqueos. Non abs-
re Apuleius Fortunam, velut tu-
nicam, magis concinnam pro-
bavit, quàm longam. Quid exi-
guæ in alto Naui ingentia pro-
sunt vela? Mergunt potiùs, quàm
regunt. Siracusij moles Archite-
cti quòd altiùs euehitur, eò disper-
siùs infringitur. Sublimiùs ex-
tollatur Babelle, præcipitosiùs
ruet.


ruct. Superbiùs efferatur Olym-
 pus, Olympi iustitiâ turpiùs e-
 uertetur. Intemerario DOMI-
 PORTAE huius dorso legite, &
 discetis audaces ascensus mor-
 ales descensus subsequi. Discetis
 Soliorum gemmas lubricos gres-
 sus facere; Dignitatum onera po-
 tiùs prosternere; ac terreos pedes
 aëreum iter non posse suscipere.
 O nos miseros, qui, Testudinum
 instar, dum ad aliquem hono-
 rem aspiramus, semper solliciti
 respiramus, ac obtento denique,
 pluries spiramus! O sapientem
 Numam, qui tuos descensus sa-
 gaciter querendo, feliciter ascen-
 sus inuenisti! O dementem Bel-
 lisarium, qui tuos ascensus in-

prudenter lustrando, miserè de-
scensus comperisti! *Prosperitati*
nemo credat, nam

. *Quidquid in altum*
Fortuna tulit, ruitura leuat.

Hinc discat nonnemo, quòd

. *Intra*
Fortunam debet quisque manere
suam.



*Altaruinas.*

VI.


Quid iuuat humano pennas ap-
ponere dorso?
His citius fletûs æquora ad alta vo-
lat.



Dat,

Dat, & non habet.

V II.



Plautus.

Alterius pennis volare haud facile est.

Ro-



Rostro, non mente.

E *Heu quot pecudes humano in
corpore vivunt!*

Quantum à veritate distat mundana falsitas! Maledictam gloriæ sitim! Quot per te inebriati aliorum ritu delirant! Alius ut suæ affectus patefaciat Galatææ, alieno ab ingenio illos mendicat. Alius suum nomen chartis mandando illustrare opinatur, sed dum illud alienis atramentis immergendo submergit, magis obscurat. Alius, vix primis litterarum

rarum haustibus, ut Canis è Nilo, degustatis, Picturæ, Idiomatum, Architecturæ, & eiusmodi, nedum sublimiorum Scientiarum, sed ipsorum quoque Scientificorum Censorem se faciens, frustra sibi plausus somniatur. Alius ad portum laudis prælorum nauibus peruenire desiderans, illorum nigredine Lethæos in scopulos (ac utinam in istorum catalogo ipse non noter) plerunque offendit. Sic ubique fucatâ ostentationis Venere sinceram sapientiæ Pallada exoptatur effingere. Præ cæteris verò non pauci locorum veris Eloquentibus convenientium immeritos gradus ascendendo, Im-

mor-

mortalitatis solum scandere se
existimant; at quia aliorum do-
ctrinâ illuc efferuntur, in solum
decidunt. Si alieno se extollens
fulcimine altus sufficeret saltus,
quod, Amentes, vos esse optatis
vel meus hic esset P S I T T A C V S.
Hic quoque alienâ edoctus lin-
guâ (arrigite aures) tempore

*Proijcit ampullas, & sesquipedal-
ia verba;*

ac cum Homero ἰπτα πτεροῖντα,
sed quid balbutiat penitus igno-
rat. Væ stultæ ambitioni! Hi-
sce in locis nunquam mehercle
utile fuit personam induere. Si
breuiâ alicuius existimationis
Bacchanalia præcesserint, longa
dedecoris ieiunia subsequuntur.

Quid

Quid creditis? Vera tantum.
Virtus planta est meritorum
germinans fructus, quæ exalta-
tionis radices firmat. Ficta flos
est pullulando marcescens, qui
si odorem effundat, nares offen-
dit, quòd impropius. *Non è
quouis ligno Mercurius fingitur.*
Alienorum balsamis sudorum
Ignaviæ cadauer obtegatur, mi-
nimo factore suam putredinem
manifestat. Nunquam sine pe-
riculo fuit asinum leonis pelle,
ac simiam purpurâ inuoluerè.
Illum ruditus à rugitu differens
accusabit; hanc minima erroris
nux detectam obturpabit.

*Vnum pro cunctis Fama loque-
tur opus.*

Dum


Dum histrio in theatris regio amictu induitur, si maiestatem habitus vili vel dicto, vel actu dedecoret, quid sit patefaciet. Si Sapientum sedes vsurpare quid sit dignosceretur, ad illas sanè cautiùs aspiraretur. Illæ quem magis extollunt iudicantium oculis magis subijciunt. Nimis hodie apertis luminibus nascimur. Vix ipsi veræ Virtuti fides præstatur. De ficta argumentemini. Callidâ hac ætate non, uti quōdam edocta à Lyfandro, Dodonæa Oracula sic aptè poterunt loqui, ut Rex vngatur. Non fortietur Sertorius, Ceruæ ore loquendo, populos terrere. Mendax doctrina nunc risibiles, non ad

admirantes affectus permouet.
 Nec fatis est homini, vt doctus
 videatur, nasum habere. Pro il-
 lo qui habeant non desunt; nam
 præfenti in sæculo

. *Iuuenesque, Senesq;
 Et pueri nasum Rhinocerotis
 habent.*



Dat,




Dat, & non habet.

VII.

P Sittacus increpitans feret haud
encomia Docti.

Si ferat, hic pennas non penetrabit
honos.



Tem-

Tempore diminuerè, est augere.

VIII.



D. Augustinus.

*Fecundus est ager pauperum. Citò redd.
donantibus fructum.*

Adi-



Adime, crescet.

INterdum *lucris species est per-*
dere. Nulla est potentior
moneta ad emendam Mun-
di simul, ac Cæli gloriam, quàm
opportunitatibus auxilia miseris
conferre. Nec meliùs augentur
gemmæ, quàm cum pro ge-
mentibus effunduntur. Aurum
alienis subsidijs sepultum tenere,
est meritorum census sibi dene-
gare. Alterius ærumnis æraria
aperire, est proprijs infortunijs
ostium claudere. Diuiti donare,
est

est se ipsum pauperare. Egent
verò largiri, est se, & alios locu-
pletare. O diuinos contractus
Dando acquirere, mutuando fæ-
nerari, ac prodigendo cumula-
re, nonne cælestis vsuræ speciem
vocabuntur? Quid tandem bo-
norum prodesset copia, nî alijs
copiam facere sciremus? Habe-
re, nec scire dare, est nescire ha-
bere. Tantùm sibi possidere, est
nec sibi, nec alijs diuitem esse.
Sed sibi simul, ac alijs habere, di-
uitiarum summa diuitia est.
Quid duobus Cæli prodesset Lu-
minaribus, aureum aliud benefi-
centiæ theatrum, argenteam a-
liud fæcunditatis scenam esse, nî
vt splendētia splendida, sui quo-
que

que nitoris diuitias toti Mundo
vberrimè profunderent? Hæc
iure quidem cunctos lucis ra-
dios in se merentur retinere, quia
nullum pro se retinentes, omnes
sideribus nobisque benignissimè
impertiendo, venerationis aug-
mentum sibi vindicant. E' ful-
genti horum crinito capite tuam
mentem, Mortalis, illumina.
Disces, quòd sicuti hæc CAESAR-
RIES tempore cæsa, Planetarum
fauore, tondendo, augetur, sic o-
pes opportunitatibus diminutæ
multiplicantur. Disces, quòd si,
illius sententiâ, Crinis fluxus o-
pes designat, quò plures ad pau-
pertatis caluitiem cooperien-
dam rescindes, in cincinnos eò
D lon-

longiores tibi crescent , ad diuinum Amorem illaqueandum, & ad tuos errores supremi Numinis lumini occulendos . Nec diuersos ab æterno Rectore sortita est effectus Zenonis , ac Tyberij II. in miseros pietas ; Illius quidem annorum multiplicitate, istius abundanti thesaurorum inuentione. Beneficentiæ opes dissipando colligantur . Dilatatas ad Mendicorum succursum manus referare , est vncinatas ad extrahendos à Deo fauores tenere . Hinc credendum cum Poeta quòd Pauperibus donare

*Mercari exiguo nos facit ære
Deum .*



*Tempore diminuere, est
augere.*

VIII.

L Vcrum Ditis Inops; nam prodig-
us ille misellis
Quas dederit, solas semper habebit
opes.



Opportunè, si non sanè.

IX.



Xenocrates .

*Qui passim maledicunt omnibus, eos palam
est id naturæ vitio facere, non ex eorum
merito, quibus obtreſtant .*

Con.



Confilijs supplet tempus.

D*E*corum silentium corona
est viri boni. Humani
linguam interpretem cordis, vt
tempore animi affectus expri-
meremus, à natura obtinuimus.
At his temporibus nulla illius
moderandæ tempora compe-
riuntur. Effrænati Mortalium
animi effrænatas linguę habenas
relinquunt. Illam præcordij ve-
lum, non imaginem, vt illius sen-
tentiâ fieri deberet, faciunt. Men-
dax omninò hominum turbæ

prauas occultare passiones tantum curat. Cuncti vitijs inuoluuntur, cuncti obtegere indigent; ij præsertim qui fulgurantes Virtutum esse deberent Soles. Alius insatiabili torquetur auaritiâ; alium intemperata extinguit libido; alius iracundo dilaceratur furore; alium inexplibilis enecat gula; omnes particulari roduntur tineâ;

. . . *Quemuis mediâ erue turbâ,
Aut ob auaritiam, aut misera
ambitione laborat.*


Præ cæteris verò se ipsum lacerans Liur, sat dentes haud potens acuere, linguam enodat vehementiùs. Verborum telis Virtutem humi proijcere se opina-
tur

tur; at magis exaltat; tùm quia admirabili hæc spicula reijciens intrepiditate, fortissimum sibi ipsi ancille esse potest patefacere; tùm quia inuidiosâ dum insectatur mordacitate, illam cui inuideatur dignam declarat; Sic ipsius meritis mala afferre desiderans, bona afferendo, sibimet damnum infert notabile. Inde verò est, quòd (quoniam vitiosi quæ sibi perniciosiora inaduerterent libentiùs insectantur) plerunq; insanus, non opportunè, ut captatoriæ huius Aucupis VOLUCRES, vocem profundit, at omne extra tempus in alterius famam increpitat. Hinc tot veluti apes semper moroso in alie-

nis auribus murmure Inuidi
bombilant. Nulli parcunt, vbi-
que noctuant. Ad importunos
strepitus per vicos, per domos,
per plateas nos conuocant. Eo-
rum furori nullibi non est lo-
cus. Dens Theoninus vbique
infigitur. Liberè audiuntur, li-
berius loquuntur. Plurimi ho-
die sunt Anaxarchi, qui incom-
positam efferunt loquacitatem,
nulli Anacreontes, qui plectant.
Audite me, Liuidi. Quoniam
reprimere vestram nescitis im-
portunitatem, *Opportunè*, si non
sanè tantum furorem saltem e-
uomite. Fricantes duntaxat re-
fricate. Sic verum fiet, quòd pro
ratione se vlcisci iustitia est, non
ma-

maleuolentia. Alioquin si cum alijs intempestiuè, & de alijs im- meritò maledixeritis, vobismet maledicetis; ac ita illud dictum confirmabitur, *Nemo leditur nisi à seipso*. Quandoquidem *Non est eiusdem & multa inopportune, & sibi utilia semper dicere*.





Opportunè, si non sanè.

I X.

L Ingua, loqui sapias. Humani es
nuntia cordis.
Signum excordati, nî modereris, eris!



Ab



Ab externis interna.

X.



Carzius.

Quisque suo vitium, quod tegit, ore gerit.

For-



Forma dat esse rei.

EX vultu, & oculis non potest celari conscientia. Non minùs horum motus, ac illius signa pro veridicis animi habentur delatoribus. De Naturæ malignitate conqueri nemo non posset, si, quoniam homini ad fingendum tam facilem tribuit animum, varios quoque signorum characteres, quibus illius inclinationes legerentur, non tradidisset. Hinc est, quòd quantum prava, tantum prouida voluit,

luit, vt ex frontis rotunditate
mentis fraus indicaretur, ex qua-
dratura integritas; ex oculorum
mediocritate ingenuitas, cauita-
te perfidia; ex ciliorum modera-
tione humilitas; longitudine ar-
rogantia. Statuit vt proportio-
natum caput ingeniosum fieret,
immodicum rude; os decens be-
nedicum, ingens mordax; facies
hilaris sincera, liuescens liuida.
Valles, ac montes manuum cu-
rarum profunditatem, ac eleua-
tionem demonstrant. Corporis
næui paucos homines maculis
carere ostendunt. Ipsarum quo-
que linearum in pedibus interci-
fio paruum cogitationum recti-
tudinem breui hoc vitæ in cursu

accusat. Hæc porrò, tanquam
secundarum causarum effecta, in
tantum quid veri habent, in
quantum è prima omnium cau-
sa illæ dependent. Quare omni-
nò verum non est Auctoris di-
ctum, *Fronti* (externo .i.) *nulla*
fides. Imò hæc campus est, in
quo affectuum acies effulgurat.
Boni pulcrum habent vexillum;
mali turpe. Difficiles quidem
qui cognoscantur sunt affectus.
Aspectibus vndique ignoti in
corporis sepulcro conduntur. Id
tamen vultum habet pro lapide.
Inscriptio, quæ in hoc inspicitur,
illorum monstrat conditiones.
Natura, quæ semper in bonum
tendit, semper bonum operari se
arbi-

arbitratur. Hinc quod facit noscatur gaudet. Id agere ex se non potest, quod loquaci caret expressione. Igitur per tacitam, mediantibus corporis signorum linguis. At quia hæ neque sufficerent, inclinationem operibus dilucidat. Hinc est, quod ex electione artium, studiorum, ac aliarum curarum animi desideria argumentamur. Sapientes ideo Athenienses, qui antequam suos Natos cuilibet exercitij generi applicarent, varia instrumenta illis exponentes, illorum inclinationes explorabant. Prouide igitur Vlysses! Vt Belligerum inter Lycomedis puellas detegeres, prudenter fæmineis ornatibus ensem

ensem operuisti. Quinetiam nullus est corporis motus, qui animo non dirigatur; & hoc sane modo illius intentiones enitefcunt. Quamobrem religiosum hominem anathematica non indicat lingua, pium hypocrisis, humilem sui existimatio, beneuolum maledicentia. E' contra verò frequentes eleemosynarij actus auaritiæ, mansueti iracundiæ, honesti impuritatis, viriles pusillanimitatis signa nunquam fuere. Tantæ veritatis argumentum sit sufficiens huius suauitas PEONIS, interna cuius dulcedo, aut amarities ab externo visu, & olfactu tam benè dignoscitur. Quapropter creditu

di-

dignum est hoc fundamentum, quòd prauitas animi, vel puritas, ex turpitudine signorum, vel pulchritudine apparet. De hoc nos satis monitos voluit Cæsar, ad quem (vt Plutarchi verbis vtar) *delatâ de Antonio, & Dolobella calumniâ, quòd res innouarent, Non hos, inquit, pinguis, crinitosque pertimesco; verùm pallentis magis, atque macilentos illos, Brutum videlicet, & Cassium*. Sciebat, quòd vbi illi crassi, & rubicundi vultûs homines, coloris alteratione si quid proditorij in animo concepissent, cogeantur ostendere; hi cinereorum visuum immutabilitate vllò pacto detegi non poterant. Benè
cau-

cautus qui adagium inuênit, E-
rubescit, salua res est, quoniam
Vel tacito vultu scire futura licet.





Ab externis interna;


X.

E St animi speculum corpus, quod
debile vitrum est.

Fit clarum hōc quidquid mens tene-
broſa tegit.



Huic



Huic credas.

XI.



Beda.

*Omnia in hoc Mundo incerta credenda
sunt, Mors tantum certa.*

Vera



Vera vita mortis speculatio.

Omnem crede diem tibi diluxisse supremum.

Et Viuentium catalogo deleatur
qui tantum vivere, ut viuat, medi-
tatur. Morti nascimur, morti vi-
uimus, & solum tandiu viuimus,
quandiu illam consideramus. Si
veritatis lumine admirandas il-
lus qualitates contemplaremur,
sic diligeretur, ut cor nostri cor-
dis, ac vnica Animæ anima vi-
ueret. Quid enim aliud ipsa est,
nisi

nisi Animę libertas? Et quid hac
amabilius reperitur? Illius verò
meditatio negligitur, quòd vera
libertas ignoratur. Talis creditur
ea, ad quam assiduis laboribus
exsudatur, licet re vera miseranda
sit seruitus. Circum illam
consumimur, ac omnes nostras
cogitationes euoluimus. Si hoc
SPECVLVM benè intueremur,
nostram dignosceremus insa-
niam, & tantum *Huic credendum*
esse videremus. Non um-
bra, at vera nostri status imago
est, quam nobis illud repræsen-
tat. Ostendit vitam vt vitrum
fragilem, vt umbram instabi-
lem, ac ærumnarum plumbo, re-
flexus ministro, grauosam. Quam
actu


actu amplectendi MORS te in-
uitat, ad vitam vocat, dum ad re-
flectendum in mortalis vitæ Spe-
culo allicit. Sed quid in Speculo?
Potiùs in conspicio dicatur, quo
magis errores tui tibi clarescant,
quo longiùs tuam metam inspi-
cias, quo clariùs te puluerem di-
scernas. Mirare, & sic mirando
non morieris. Si tali Vitro men-
tis lucem appropinquaueris, in-
cor tuum veræ cognitionis radij
reuerberabunt. Videbis te la-
crymis exoriri, quæ speculorum
deseruiunt multiplicati; te in ge-
lu conuertendum, quod crystal-
la efformat; imò ad recti ardo-
rem te gelu esse; ac in pectore
Mortis stare quid de te libuerit

E di.

disponere .- In hoc igitur Cry-
 stallo crystallinum oculorum lu-
 men fige, & purum veritatis in-
 spicies Solem, dummodo terræ
 affectus non interponantur. Fac
 ut Canio edoctus philosopharis,
 si verè vis philosophari. Ille ex
 mortis meditatione Caium po-
 tuit confundere. Memento no-
 uos Hyspaniæ Barbaros non
 tam dare operam regibus crean-
 dis, quàm chlamyde mortuo-
 rum olisibus picta inuoluendis.
 Dignum morem! Mors quidem
Ultima linea rerum est, sed quæ
 prima pro obiecto habenda sit.

*Istius præmeditatio finis, qui
 malum apparens est, principium
 veri omnis boni euadit.*

Huic



Huic credas.

XI.

Mortalis, Speculo hoc tantum te
cernere cures.

Quid sis verè oculos ponit id ante
tuos.



Non semper vires.

XII.



Manander.

Temeritas multis est causa malorum.

Nè



Nè quidquam temerè.

S *I vis timeri, time. Nulli facilius opprimuntur, quàm qui nil timent. Insipientis cura est velle semper trepidari. Ut plurimum enim qui nullum vnquam timuit,*

Non expectato vulnus ab hoste tulit.

Maximū sit licèt robur, æternum nō erit. Crescente ætate decrescit vigor. Qui se Aquilā modò iactabat, modò Columba euadet. Qui lædit nō lædi metuens, si aliquando tutus, nunquā tamen securus

viuat. *Necesse est enim multos timeat quem multi timent . Qui nunc horretur , nec horret , aliquando horrebit , nec horrebitur ; Superba quippe fortitudo si pericula contemnit , & prouocat .*

In vento scribit lædens , in marmore læsus .

Tempore maturescit vindicta , & quæ maturior acerbior. *Tarditatem supplicij grauitate compensat* Qui nunc reptabāt bombices , tempore extollunt alas. *Habet & musca splenem . Inest & formicæ suabilis .* Sit maxima licet potentia , minimo actu subuertitur . Videmus grandiores turres paruissimis fulminibus difijci , imò quò altiores , eò faciliùs illis

illis subijci. Videmus imbecilli-
tineolâ fortissimas moles erodi;
paruâ securi ingentes quercus
prosterni; pusillo colossos deijci
lapillo, ac minuto naues impedi-
ri pisciculo. Accuratè igitur ti-
me, nam *Inimicum quamvis hu-
mitem metuere Sapientis est*; Par-
uus enim hostis vbique se inco-
lumem celat, magnus verò ma-
gis oculis, & consequenter ma-
gis insidijs patet. Tam utile tibi
pingat in corde axioma hic mor-
tuus BELLIGER, qui mox tu-
midus agonum timor, ac co-
hortum tremor incedebat, nunc
viliorum ærucarum pabulum, ac
minimarum auium ludibrium
prosternitur. Timor securitatis,

præsumptio periculorum dux
semper fuit; nam plerunque qui
sibi fortissimus videtur in alium
fortiorem incidit. Fabij Maximi
rem Romanam extollet metus,
Caij Flaminij subuertet præfi-
dencia. Timendo aliquis victori
euasit, nemo temnendo.

Spes metum sequitur.



Non



Non semper vires.

XII.

NE timeas, timuisse decet. Ti-
mor ille probandus,
Tempore qui incolumes nos facit ef-
fe suo.



E s

Vc

Vt ducta ducit.

XIII.



Zonaras.

*Vitam probum probus finis subsequitur.
prauem prauus.*

Qua-



Qualis vita, finis ita.

V Ita hominis peregrinatio
super terram . Sed plus
super mare , cùm calamitatum
æquor sit Mundus . Quantum
verò iudicij opus est Menti pro-
retæ , vt hominis Nauim in illo
dirigat ! Quantumuis regatur,
scopulorum non potest offendi-
culis non subijci . In tranquilli-
tate ipsa à procellis timendum .
Imò magis in placido ; ad naufra-
gia etenim adulationū Zephyri ,
fictionum Euri , & pellacium
E 6 plau-


plausuum murmur vehementius
impellunt. Si hoc igitur intacto,
quid in frementi? Qui im-
bres, quæ procellæ, quæ tonitrua
consilium Nauarcho non despe-
rabunt? Mille insidiarum Scyl-
læ, malignitatum Cyclades, ac
proditionum Cyaneæ in calami-
tatum pelago submergent. Pa-
rùm proderunt Palinuris inflata
forte lintea; præsumptionis fo-
rmus finet madefieri. Debile
Orontibus erunt subsidium for-
tes antennæ; minima otiositatis
incuria maximæ erit causâ fra-
ctionis. Non multum se fidere
poterunt bracchiorum remis Le-
andri; luxuriosi æquoris flagella-
tio ipsos flagellabit. Sed quid tot
inter


inter tam irati æquoris fremitus
humana titubas cymbula? Mo-
nitoriaæ Empyreï sunt voces, si
tui Rector earum dogmata per-
ceperit. Cælum imitans color,
ad Cælum tuam nauigationem
tantùm dirigendam præmonet.
Albescens spuma candidæ solùm
fidei fundamento illius oris alla-
bi te posse edocet. Æstuentes
aquarum montes, qui vix elati
præcipitant, per ambitionis mō-
les ad illud tendi non debere in-
dicant. Quæ enim machinæ ex
fumo producuntur in fumum
dissoluuntur. Ab illis tuus discat
Proreta, quòd si malorum mare
sulcatur, non nisi amaritudines
gustantur; quòd quæ amaræ sunt
aquæ

aquæ amaras tantùm lacrymas
ab oculis extrahunt. Discat, quòd
tantùm lacrymarum pelagus ad
verum euehit portum, & quòd
foli sudorum vniones dulcem la-
boribus coronam efformant. Ve-
tuus igitur Gubernator se satis
edoctum sibi indicet, pro clauo
prudentiam moderetur, pro ma-
gnete consilium regat, pro malo
constantiam firmet; quæ tamen
omnia ad rectæ conscientie cy-
nosuram semper vertat. Alio-
quin ambo naufragium patie-
mini. Et si nautica pyxide uti il-
lum pigeat, hanc RHEDAM (non
NAVI minùs) humanæ symbo-
lum vitæ inspiciat. Nî Auriga
hic vector cautè illam dirigat,
vel

vel in terra suos scopulos experietur . Hippodames Rhedam benè regat Myrtilus , suimet Na. uim malè non regens , proprio naufragio æquoribus nomina non imponet .

Pij feliciter nauigant , impij miserè naufragantur .





Vt ducta ducit.

XIII.

VT Rheda, vt Nauis mortalis vi-
ta vagatur.

Horreat hæc scopulos, horreat illa
scrobes.



Non



Non quantum, sed quale.

XIIII.



Petrarca.

*Multa sunt onerosa discentibus, doctis pau-
ca sufficiunt.*

Sub-



Substantiam non facit accidens.

C*Vm legere non possis quantum habueris, sat est habere quantum legas. Librorum quantitas scrinia quidem, non animos exornat; imò illos confundit; eorum enim multiplicitas non paucos insaniâ magis, quàm sapientiâ repleuit. Primum argumentum compositæ mentis est posse consistere, & secum morari. Id autem non potest qui tanta in nimietate huc, & illuc cogitur*

vagari; nã *Nusquam est qui ubiq;
est.* Sicuti exquisita dapum sobrietas naturam absque ventriculi grauamine enutrit, ita Librorum parsimonia sine confusione ingenium erudit. Medicaminum vbertas infirmum per mitigaritas sanat. Robur exercitiũ non in multitudine, sed in militum fortitudine consistit. Armata acies ad hostis expugnationem tendens, si multos ante habeat passus, facilẽ anceps decipitur, & bonum iter deserens, malum sequitur. Aliquo in conflictu armorum nocet copia, dum quæ capiantur resolui non permittit. In Librorum abundantia luxuriare, superbire, non ediscere est.

est. Sic qui à liberando, quòd
vitijs nos soluat, liber dicitur,
dum ambitiosos efficit, vitijs
magis inficit. His exuberare, est
maiores blattis escam parare.
Est & possessis, & possidenti da-
mnum inferre. Illis quòd carent
lectore; huic quòd abundanti
abutitur lecturâ. Appositè hîc
confabulatoris labem mihi sub-
eundam non censeo, si ludicras
duorum familiarium se inuicem
deridentium facætiâs tibi, Le-
ctor, adduxero. Diues quidam,
quantùm doctrinæ inops, tan-
tùm Libris abundans, Doctorem
vti doctrinæ prodigum, sic Li-
brorum indigum visitando, Sal-
ue, inquit, mi, Doctor, sine li-
bris.


bris. Salem patienter hic tulit. Post verò aliquod tempus visitationem reddens, callidus alter in cubiculum introduxit libris plenum, quibus, non cui, Sapiens iocosè iam delusus, sagaciter dixit. Saluete Libri sine lectore. Et meritò; vera quippe scientia non in quantitate Librorum, sed in eorum, & in legentis qualitate consistit. Hic, qui SAPIENS est, benè agnoscit magnos inutilibus tantùm verbis plenos scrinijs esse relinquendos, paruos verò fructuosæ diuites doctrinæ semper præ manibus habendos, ac ut diuinorum reliquias ingeniorum venerabundè osculandos; πολλὰ κίς ἀμείλει μέγα ἔργον ἄρ᾽ ἔχον.

Quan-

Quantuluscunque adamas ingentes berillorum existimatione vincit congeries; in sua etenim pretiosa puritate maior enitescit. Exiguus sæpè cophinus maximos continet thesauros. *Magna plerunque ingenia in paruo latent.* Præceptum hoc docuit Mantuanus, qui ex vnius tantùm Ennij stercore aurum didicit colligere. Ignoravit ille, qui disertissimi Herodis Attici ignauissimus filius, ac indignus hæres, ex innumeris paterni scrinii voluminibus nec prima quidem percepit elementa. Ne ex Librorum numero ubiq; rapiaris, eripe, & augebis.

Satiùs est Virtute affluere, quàm Libris.


Non.



Non quantum, sed quale.

XIIII.

Q *Vale, at non quantum.* Confundunt maxima. Paruus Ingenia illustrat grandia sæpè Liber



Dum



Dum pura.

XV.



Speronius.

*Omnem mulcet morositatem in Fœminis
Pudicitia.*

In



In claritate sanitas.

N *V*lla maior arbitrij infirmitas, quàm *V*xor, audacter ait ille. Quod. n. morbi genus illius defectu non suffertur? Affectuum vertigines, Superbiæ carbunculi, Zelotypiæ carcinomata Coniugatum plerunque excruciant. Ne dedecoris macula honoris pupillam infestet dum timetur, albugini subijcitur. Dum eius ornatui incumbendo vsque ad capillum bonis exuitur, alopeciâ ægrotatur; dum nimius ar-

dor in gelu tandem degenerans, medullas congelat, Spasmus toleratur; Apoplemate vexatur, dum pristina illius rubra formositas, quæ dura fuerat, in senectutis saniem incidit. Icterus si perturbatur, dum petulantia bilem prouocat. Phrænesi exagitur, dum vanæ Amoris imagines præsentantur. Omnia tandem usque ad desperatam perducunt anxietatem. Hæc, & his similia, plûs irâ, quàm veritate percitus Ociator quidam olim confabulauit (quem ex his assertis auctorem quoq; illius prouerbij fuisse iurarem, *Mare, Mulier, Ignis tria mala*) Matrimonium sanè, ut opinor, non tanquam Dei institutum

tum considerans, sed ut munda-
 ni grauitas iugi illud tale efficit.
 Præmissæ quidem supposito in-
 dignæ ægritudines saniores affli-
 gerent animos. Lethales tamen
 non sunt, dummodo febricitans
 Honoris pulsus, V R I N A E co-
 niunctus impuritati, non vacil-
 let. Molesta quidem talibus
 morbis languenti valetudo est;
 At, si maxima, patienter toleran-
 da, nî humor prædictus vitie-
 tur. Non alia vitæ præiudicant
 symptomata, quantumuis gra-
 uia, dum dilucida hæc excre-
 mentitia qualitas cordis indicet
 claritatem. In angusto huius
 V I T R I oceano dum procellosa
 Lasciuiaæ nubes decori naufra-


gium non minitetur , salubris portum felicitatis tenere credas. Libenter ex illius fragilitate fœminei sexus inconstantiam inspicias , dum ex claritate vnici amoris quoque puritas innotescat. Innumerabiles quidem (fateor) curæ, tormenta, ac mortes cum experiri necesse foret , qui cum thalami Consorte , quasi cum sorte (licet potius cum omni malo) se victurum opinari vellet; at *Dum pura* omnem amaritudinem dulcissimam efficere potis est. Pompeiam, cognitâ fœminæ impudiciâ, repudiare cogatur Iulius Cæsar, infortunatissimus iudicetur. Zenobiæ (quauis cæterum molestæ)

Ho-

Honestate perfruatur Odean-
thus, felicissimus habeatur. Ita
est, mi Lector. Dei fauore quid
scribam scio.

*Pudicitia omnis ærumnæ condi-
mentum.*





Dum pura.

XV.

FIt, sibi qui Sponsam capit, imme-
dicabilis æger.
Est medicina potens qui benè sanus
Honos.




Ex



Ex incommodis commoda.

XVI.



Mænander.

Cupido habendi aliena maximum malum.

Quod



Quod non tibi, nec alijs.

S *Aepè vulpem fuit vestire, leporem deglubere.* Heu quò peruénit seculi impietas! Pro digniori habetur Politica alterius calamitates sibi facere felicitates; alienis lapsibus propria erigere ædificia; flentium miserorum aquis superbię ignes dira antiparistasi accendere; ac alienis suspirijs propriæ ambitionis fumo ventum inspirare. Vno verbo verum est *viuere alienâ viuere quadrâ.* Non pauci incedunt, qui

ex pallido infeliciū tremore
argenti cādores accumulēt,
qui ex flaua mendicōrum macie
sui fuluos auri nitores extrahant,
qui gementium lacrymas in
gemmas sibi conuertant. Vbiq;
Magni pisces minutulos comedūt.
Verū quid hæc tam parua col-
lacrymor? Thesaurorum fodi-
næ inueniri nesciunt, nisi ipsæ
pauperum venæ aperiantur. His
diebus, imò impietatis noctibus,
non homo homini Deus dicen-
dus est. Meritò potiùs lupus. Il-
lius carnibus vescendo propriam
auget feritatem, sanguine ine-
briat sitim. Nec vllus ignis cha-
ritatis reperitur, quo sua crudeli-
tas terreatur. O sacram Ciuium
fa-

famem; o sacrilegam Nobilium
 fitim! Væ populis, si barbara
 Macchiauelli dogmata, prædi-
 ctis non imparia, Fidelium Prin-
 cipum mentes quoque penetras-
 sent. Quæ auiditatis monstra
 enutrita non fuissent, si in illis
 tam rapacis Politicæ semina pul-
 lulassent? Sibimet nedum sub-
 ditis, in sinu serpentem fouissent.
 Iuxta illud *Oi αὐτῷ κακὰ τέυχει*
ἀνὴρ, ἄλλῳ κακὰ τέυχων. Imò,
 cùm ad extrema teneantur, quip-
 pe qui in summo existunt, sicuti
 diuina ope pietatis extremum
 tangunt, ita impietatis attrigil-
 sent. Iniustitia innocentiam con-
 culcasset; Purpureæ chlamydes
 sanguine plùs quàm murice ful-
 guras-

gürassent; ac ipsi Throni magis
tragediarum scenæ terruissent,
quàm venerationis theatra efful-
sissent. O te igitur felicem Chri-
stiani Orbis molem, quæ tot iu-
stis Coronatorum Atlantium
fulciris ceruicibus, qui non mi-
nùs intrepidè, quàm fortiter,
proprijs etiam incommodis, tan-
tum sustinent pōdus, vt tu com-
modè eleueris. Sed io me felicio-
rem, non solùm quòd liberos na-
tales obtinuerim in Patria, quæ
omnia bona omnia indicat, sed
quoque sim fortitus Magnorum
Maximi Antistitis subiectionē,
qui vt Redemptorem, cuius est
Vicarius, imitetur, alijs cruces vt
auferat, Cruces ferre exultat.

Tan-

Tantundem verò heu miseros
 Orientalis Monstri subditos,
 quod, huius BOVIS instar, a-
 lienis obdormiens felicitatibus,
 nunquam capitis Lunam geren-
 tis extollit cornua, quin illius ful-
 goribus nobilium Soles eclipsim
 patiantur. Sed o beatam æta-
 tem, si duntaxat Turcarum inter
 Reges, nec priuatos inter Christi
 Ciues (vti non in Potentibus) hi
 mores pariter versarentur! Istos
 quidem omnes iustos confiteor,
 sed nullum hodie Lycurgum di-
 scerno, qui non minùs rectus
 Princeps, quàm bonus Spartæ
 Ciuis, Pauperibus facultates æ-
 qualiter impertiatur. Plurimi
 quidem inter Infideles (abique
 Ci-

Cinici lucerna) possent reperiri,
qui, tot Neronum instar, peiores
Patriæ Cives, quàm Imperantes,
proprijs etiam iocis vectigalia
exigentes, ac lugentium ruinis
delicantes, Ciuium commoda
sibi accommodent. Optimè er-
go Philosophi,

*Corruptio unius generatio alte-
rius.*



Ex



Ex incommodis commoda.

XVI.

Errat, auct risum qui alieno car-
pere luctu.
Se grauat oppressos qui sine iure gra-
uat.



Modicè, & tempore.

XVII.



Palingenius.

Immodici affectus animi quoq; gignere mor-
bos

Consuerunt

Tristitia interdum nimia officit.

Sol.



Sollicitudo malum acce-
lerat.

IN mundo nihil est certum.
Rotat omnia casus.

. In undis

Mergitur hic, avidisque miser fit
piscibus esca;

Ille cadit, præcepsque ruens perit,
aut male languet

Perfractis membris; Alius niue,
grandine, & imbrì

Obruitur. Sua fata pati constrin-
gitur omnis.

Irreparabiles sunt calamitates, &
tormenta. Ad hæc nascimur, ad
hæc

hæc viuimus , ad hæc fortasse moriemur .

Νόσος δ' ἀνάγκητ' ἀεὶ δειλάτῃς
φίρειν .

Vt remedia semper habeas, semper expecta. Cùm expectâris, illis facilè, si euenerint, medeberis .

*Quid sit futurum cras fuge quæ-
rere ,*

aufuge non parari. Medicinam verò priùs quàm corpus inficiatur, nè adh. beas. Vel si vti placuerit, saltem parcè vtere. *Sæpè optima est medicina non vti medicinâ*; Satiùs quidem est inijs, non expectationibus, morborum mederi. *Sua cuique rei tempestiuitas maximè utilis est* . MITHRYDATICA tunc iuuant, cùm

Mo-

Modicè , & tempore iuuare de-
bent. Si quis quotidianis, vt ven-
trem exoneret, impleatur The-
riacis, quid proficient? Mem-
bra tabe concremabunt. Fractis
ossibus apponantur, nec minuēt,
nec augebunt dolores. Opinione
dictante angustias trepidamus,
& statim solliciti ad mœrores
confugimus . Quodque peius
est, immodicos mœrores capelli-
mus; & quod remedium credi-
mus, mali irritamentum experi-
mur. Quæ in dubio sunt fugi-
mus, & plerunque trepidata non
cueniunt. Quid autem hoc est
nisi corpus prauis implere dispo-
sitionibus, quæ cùm vel exiguum
mali accesserit, maximum red-
dent?

dent? Cùm exigua febris egros occuparit, non statim ad sanguinem eliciendum prudens conuertitur Physicus. Primùm diætâ qualitatem, ac vigorem illius ponderat. Si feruor insolescit, tunc venas rescindit. *Nihil est in morbis magis periculosum, quàm immatura medicina.* Sicuti antidotus, quæ veneni est particeps, corpus tantùm veneno infectum sanat, ita ipsam ante venenum sumere, est in veneni vsum conuertere. Quot ex historijs legimus, & quot nostro tempore inspeximus, qui vt sanius viuerent, à suppositis tantùm in orbis corpus purgare exoptantes, in intempestiuis medicamentis

nibus

nibus mortem biberunt ? Prudentissimus hinc Angelus Episcopus Arerinus, cui cùm Medici, aut pharmacis vtendum, aut pereundum dixissent, immissaque pocula subitus lectum diu celasset, tale illis tempus inopportunum forsan cognoscens, suscipere recusauit. Manè porrò cùm Medici ægrum ferè liberum comperissent, idque suis tribuerent potionibus, tum ille quamuis non omninò corporis sanus, mentis tamen prorsus compos, Magnas, inquit, enimuerò, & priùs incompetas mihi vires habere videntur, quæ subitus lectum positæ sanitati me restituere. Quid facturæ si eas potassem ?


Im-


Immortalem me profectò reddidissent. Si illæ igitur sumptæ fuissent, cùm sine earum præsidio Prælatus sanus euaserit, naturam profectò ita alterassent, ut quod priùs corpus parua opprimebatur infirmitate, sanitate periclitari potuisset. Prudentissimus pariter venerabilis Vercellarum Episcopus, & Comes, Io. Franciscus Bonomius, sacrum meorum Maiorum decus, qui tam medicinis aduersabatur, ut non nisi S. Cardinalis Borromæi, qui eum in suam familiaritatem receperat, præcepto, grauißima in infirmitate salubribus catapotijs voluerit accommodari. Nec non sapientissimus Paulianias,

sanias, qui Medico cuidam sibi
dicenti, Senex euafisti; Propterea
quòd te Medico non sum vsus,
respondit. Quare sicuti extem-
poran. is vti medicaminibus na-
turam opprimere est, non leua-
re, ita inopportunis animum cu-
ris vrgerè grauari est, non re-
creare.

Temporibus medicina valet.

Data tempore profunt.





Modicè, & tempore.


XVII.

A Egrotos Medicina iuuat. Medi-
camina virus
Fient, nî fuerint tempore sumpta suc-



Nî inflata.

XVIII.



Propertius.

..... Agendum aliquid, si
 Vis esse aliquid.

[Om,



Omnia otium vitiat.

S*I quis emat citharas, emptas
comportet in unum,
Nec studio citharæ, nec Musæ de-
ditus ulli,*
nonne omnium mereatur iniu-
rias Musicorum? Ex actu di-
gnoscutur Virtus. Non satis Gla-
diatori ensis, nî tractetur; Ianitori
clavis, nî rotetur; Naui proreta,
nî laboret. Neque satis Sapienti
calamus, nî ingenio moueatur.
Habere, nec vti, carere est. Imò
melior priuatio, quàm non vsus.


Hæc .n. reprehensioni, quòd re-
posseffa non fruamur, nequa-
quam nos subijcit. Quod in ar-
cis aurum conditur, census non
multiplicans conteritur. Qui in
scrinijs eroditur Liber, mentem
non erudit. Cum blattis rixari
coguntur Vestes, quæ capsis re-
linquuntur. Mercatorem red-
dunt inopem merces, nî fide au-
geantur. Quid bona voluntas,
nî bonus effectus consequatur?
Velle bonum facere, nec facere,
est malum velle; rectum quippe
est dignoscere, nec exequi. Quid
hanc iuuat TIBIAM ingeniosi
Artificis opus esse, nî adsit qui
scitè inflat? Illius instar nostrum
Ingenium, si honoris vento spi-
rante

rante non tumefiat, veræ sonum
gloriæ non emittit. *Virum indi-*
cat Magistratus. E' cantu digno-
scitur avis. Haud sufficit Citha-
ra, si procul modulator. Princi-
pi, qui dulci tantùm adulatoriæ
otiositati aures accommodet, in
sui status concentu nil proderit.
benè temperata Consiliariorum
harmonia. In tantùm claris ex-
ornamur qualitatibus, in quan-
tùm illarum actionibus tales cla-
rescimus; ac in tantùm illarum
praxi enitescimus, in quantùm
earum effectus nos tales indicât.
Καθ' ἑρῶ πὸ μανδραγύρον καθεύειν,
est quâ nō caremus potētîâ, velle
carere. Quæ in actu exercito non
ponitur Virtus, prætermisso quòd

ignota sit, pro cadauere foetido
signatur, & olet vitium magis,
quàm virtutem. Nec aliud esse
potest, si sepulta est. Balsamo im-
butum terrâ cooperiatur corpus,
vt cætera cadauera pro putrido
habebitur. Vnde hoc? Celatus
illius odor ad olfactum non per-
ueniet. Monumentum aperia-
tur, priùs incognitam spirabit
fragrantiam. Huiusce Instru-
menti foramina magistra per-
currat manus, absconditam ef-
fundet vocem. Demum pro cer-
to habeas otij puluerem cuncta
carpere. Vis, Potestas, ac Inge-
nium quid erunt, nî sui dederint
argumenta? Quænam Achillis
Hastæ fuisset vis, si inutilis ia-
cuisset.

cuiſſet ? Quæ paruo Macedo-
num Sceptro Potestas , nî Ale-
xander auxiſſet ? Quæ Archytæ
Ingenio subtilitas, nî ſe volatibus
ſuſtuliffet ? Rectè igitur non di-
ſtanti à Vate ſenſu concludam ,

*Esſe tuum nihil eſt , niſi te eſſe
hunc nouerit alter .*





Ni inflata.

XVIII.

I Ngenium cessans rubigo compa-
rat Ensi.

Hinc librat in dominum vulnera so-
la suum.



Dis.



Difficilius retinere, quàm con-
sequi.

XIX.



Euphorion.

*Haud facile cumulus acervatur etiam longo
tempore;*

Vno verò die facile dissipabitur.

Quà



Quà non aufugit capias.

Non minor est virtus, quàm
querere, parta tueri.

Aurū, Sapientiorum scopulus, ac
naufragus humanæ ambitionis
portus, in sua velocitate, qua è
possidentis manibus elabitur,
Mugile est. In hoc Mundi Ocea-
no Natura permisit, vt Rhaia
tantum, ac Pastinaca tardissimi
Pisces, Senum imagines, in ven-
tre possent occultare. Quamob-
rem quò rariores ex his reperiu-
tur, eò rariùs in ærarijs illud diu
reti-

retinetur. Inter metalla est ponderosius, ut sedulam hominis leuitatem derideat, qui cum omnium animalium sit infirmissimum, metallorum grauissimo posse multum succumbere insipienter sibi suadet. Eius grauitas, quæ ex sui natura semper deorsum tendit, cum alta Diuitum superbia per longum tempus non potest commorari. Quare *Daniosum est opibus affluere, si desit ars retinendi*. Hæc porro difficillima est, quæ exerceatur, cum illæ omnium inuidiam, & sic insidias in se concitent. Non absque Naturæ mysterio Aurum sepultum nascitur. Quodammodo se celat, ne proditorum
infi-

insidijs prodeat. Nec sine consilio id peragit, cùm omnium scelerum nocens se noscat. Vt tale, semper pallefcit. Quòd assiduus Innocentiæ querelis reatûs accusetur, absconditum oritur, viuit, ac sepelitur. Verùm si ab alijs solum insidiæ illi struerentur, non tanti ponderis esset difficultas. Periculosè quidẽ seruatur quod multi desiderant; sed industriam præstat auaritia. Quare si illud, Hesperiorum instar fructuum placet, custodiæ profectò Serpentes inuenirentur. In hoc negotium est, quòd Aurum ipsum (quod cùm purius, dolosius) suum contra onus vt fugæ à semetipso leue reddatur operam.

im.

impendit. Quod mille, ac mille
super corda tyrannidem exercet,
quamuis in terræ carceribus na-
tum, vnius potestati subditum
se fieri per magnum ætatis non
paritur. Deliciæ ipsæ, quas nobis
videtur ministrare vt illo meliùs
perfruemur, ipsi ministræ sunt
vt se liberet expeditiùs. Aureis
pocalis, vestibus, ac catenis, illa-
queat, impedit, inebriat, ne fu-
giens sobrijs obseruetur, inuolu-
tis sistatur, ac vinctis detinea-
tur. Teretis figuram sumit, vt
faciliùs ad fugam se rotet; Schi-
diæ, vt inter digitos commodè
dilabatur. Ne detegatur, obcæ-
cat; vt sopiat, tinnit. Tandem,
ne diu inter ferrearum compe-
des


des arcarum claudatur, ferro ipso (o facinus!) per possidentis venas sibi viam aperit sanguinolentam. Quid plura? Visne, Homo, facilis illius fugacitatis firminus argumentum? Aurum PHASIANVS est. Hic exquisitior inter volatiles, illud pretiosius inter metalla. Si per caput æquitis prehenderis, tu è dabitur retinere. Si per fraudis Caudam, tantum delicti possessor remanebis. Iustis repleat arcas diuitijs IIII. Angliæ Rex Odoardus, se & gazas suas diu seruabit. Ne fandam auri congeriem extruat Croesus, auri iacturâ vitam amittet. Fulvæ laminæ fulgores fulgura sunt. Nondum apparuere, & di-

& dispereunt. Hinc

*Tueri parta difficilius, quàm ad-
quirere.*




Dis-



*Difficilius retinere, quàm
consequi.*

XIX.

Fluxibile ut nobis monstraret Iu-
piter Aurum,
Dum se aurum fecit, se quoque fecit
aquam.



Acta

Acta genus monstrant.

XX.



Palingenius.

..... Qui malus alio
 Exierit, rarò poterit iustusque, bonusque
 Esse, licèt doceat sanctos Academia mores.

Mali



Mali Corui malum ouum.

Difficile semper fuit occultare
ingenitum morem . Ita
est . Nemo contradicat . Expe-
rientiâ edoctus queror . Adeò ta-
men rationis non tum expers , vt
tali peste infectorum nesciam
quoquo modo misereri . Non
possunt indigni , vel nolentes , ali-
ter agere . Gemitum columbæ
nescit coruus emittere ; Nec bu-
bo aquilæ volatus extollere .

. . . . De rana rana creatur ,
Et

*Et similes partus sordidus Ales
habet.*

Quid faciant cum spontè suæ indulgent naturæ consideres. Iudicio caret qui velit naturam in re qualibet mutare.

*. . . . Expellas furcâ, tamen
usque recurret.*

Inter cineres, ac carbones quantumvis celetur ignis, semper amburer. Congeletur omninò aqua, non potest non humefactare. Tritum est *Lupum mutare pilum, non mentem*. Ut abiecti flagitia deponerent, nec sufficeret eorum bustis Nobilium capita commodare. Licet nihil turpis in his esset, prauæ qualitates in illis permanerent. Nimis hæ-

ret

ret in intimis eorū medullis malum. Si totus sanguis eliceretur, vix sufficeret, dum alter spiritus non imponeretur. Lac, quod fēdis Genitorum moribus obnigratum fuit, è corporibus quæ enutrijt de difficili candorem poterit transfundere. Sed quid si mala accesserit indoles? Mecum mane parumper, Lector, nec profecto à mea declinabis sententia. Rationem vis noscere, cur plebeio semper viles sint mores? In promptu est. Iam nōsti nullam causam posse effectum sui dissimilem per se producere. Igitur sanguis infectus puros mores nequit parere. Secundū naturam bonos ex bo-

nis faciliùs creari putant. *E' squilla non nascitur rosa.* Alioquin contraria ex contrarijs gigni oporteret fateri. Quid inde obstupescis, si quotidie tam diri inter homines inueniuntur, qui fidem benefactoribus frāgunt; qui suarum proditionum pretia petere; ac suscipere non erubescunt; qui rarissimè, & apparenter solūmodo (quod peius) templa excolunt; qui fraudibus, ac aliorum ruinis viuunt; qui sibi degentes, ne alij sua detegant crimina, cunctorum irritant contumelias Posterorum? Et tamen aliqui adeo simplices reperiuntur, qui tamquam nostri seculi Diogenes illos venerentur? Partim verò excul-

cusabiles hi sunt, nam cùm ipsi
 Virtutem sequantur, eos tan-
 quam Sapientes colunt. Fallimi-
 ni incauti. Toto erratis Cælo.
 Virtus, & Vitium non coeunt.
Nec ullum excelsi ingenij Homi-
nem turpia delectant. Nam quæ
 veræ sunt Virtutes ab aliarum sui
 similium societate nunquam se-
 gregantur. Vnâ (si qua est) cor-
 ruptâ, omnes vitiantur. O quan-
 tùm veniâ dignos vos censeo!
 Ecquis his retribus non implica-
 retur? Alij quoque, vobis non
 inferiores, in laqueos inciderunt,
 qui talibus decepti apparentijs,
 prodicione tandem detecta, sibi-
 met laudabiliter ingemuere. Sed
 vnde in istis talis poenitentię ori-

go emanauit? Solùm hinc, quòd
 Improbis huic SPHINGI simi-
 libus crediderunt. Huic, quæ
 turpiter nata, turpiter viuit; nuda
 orta, vestiri nil curat; holoserico
 induta, succidam appetit en-
 dromidẽ; in spurcitijs credit pin-
 guelcere; ac cùm māsuefcere fin-
 git, sæuiùs mordet. Huic, quæ si-
 cuti maligno suæ naturæ iã noto
 defectu in maiori maiestatis gra-
 du suam detegit turpitudinem;
 ita illi in fidelioribus honoris tra-
 ctibus suam accusant prodition-
 nem. Id verò prouenit, quòd
 illius sententiâ,


*Quem semel est imbuta recens
 seruabit odorem*

Testa diu.

Non

Non duo tantùm nunc tibi adducam exempla, at istam veritatem integra testabitur Respublica. Ad Popelli manus Syracusius perueniat Senatus, innumereq; audientur querimonie, infinita enumerabuntur flagitia; quandoquidem scaturigo foetens semper suam seruat originem, nec odoras potest undas emittere.

Semper in antiquum sordida corda ruunt.





Acta genus monstrant.

XX.

5, **N**aturam frænare potes, sed
vincere nunquam.
Turpe notant semper turpia facta ge-
nus.




Nè



Nè nimia .

XXI.



Lucretius .

Diuitiæ grandes homini sunt viuere parcè .

Im-



Immoderata nocent.

A *Rs magna est satiari, non quòd res ita se habeat, sed quia abusus talem reddit, Morali-um exclamavit Magister. Benè dignoscitur quòd Sapienti facilis victus, at humanæ cupidinis defectu haud cognosci permittitur. Avaritiæ libido, quæ in suis passionibus modo caret, animam ipsam plerunque in errorem inducit, objecta exteriora, quæ merè bona non sunt, pro bonis insinuando. Inde illa, quæ*

in sua supernaturali qualitate infinite est appetibilis, in vitæ cursu, quasi recens Atalanta, auri malo capta, bonum existimans, summè illud desiderat, & se perdit. Verùm quia hoc pomum non modò non saturat, sed famem quoq; magis nutrit, væ illi, qui ad famelicam cupiditatis mensam epulando, talem comedens cibum, ieiunat. Qui ad illam tendit, ad famem augèdam properat. Potest quidem Avarus Auri dapibus vesci, at nunquam saturari. Imò quò plus saturatur, magis famelicus. Multiplicabilis hæc esca, Titij instar iecoris, decrescendo crescit. Obtestemini vos, quorum Deus scri-

scrinium est, rapaces nostri seculi
 Vultures; vos inquam, qui de-
 speratæ Pauperum egestati exta
 abripitis, qui Viduarum, ac Pu-
 pillorum sanguinem fugitis, qui
 nunquam languentium Debito-
 rum domos circuitis, quin rui-
 nam, ac mortem præominemi-
 ni. Quid creditis? Aliorum car-
 nibus pinguescere? Has auerti-
 te cogitationes. Potestis quidem
 alienarum substantiarum esse
 PARASITI, sed simul vobis
 macrescere necesse erit. Quinet-
 iam quò magis opum dapibus
 cupidinis ventrem onerabitis, fa-
 ciliùs dirûpimini; exitum enim
 quærit repletio. In Auro crapu-
 lari est & animæ, & corporis sa-

H 5 nitati

nitati præiudicium afferre. Non enim potest talis cibus, qui totus terreus est, ac, quòd sepultus oriatur, Cœlo contumax, ad salutem diutiùs præservare. Ille si non vermibus corrumpitur, homines saltem, qui vermes sunt corrumpit. Idcirco quia gravis, graues illius morbi. Tale ferculum tantam in se habet potentiam, ut, vel omninò siccum, inebriet. Hinc Vatis veniâ exclamare nè interdatur;

. *Quæ non deliria cogis
Auri sacra fames?*


Perte infirmas, quas infantiæ vires non exercuerunt tyranni? Non d sunt historijs Caligulæ, ac Domitiani, qui cùm inexplebilia

Da-

Danaidum essent dolia, vt propriae ægritudini medicinalia præberent pocula, Subditorum ora venenis aspersere; imminencia bella supposuerunt; falsas rebelliones finxere; ac vel à mortuis tributa abstulerunt, vt in alienis luxuriarentur ieiunijs. Itaque in hoc negotio nihil lautius sobrietate; nanque *Natura paucis contenta. Si superfluis illius satieta-tem velis urgere, aut iniucundum quod infuderis fiet, aut noxium.* De hoc satis clarum præbet exemplum auri allucinatione obcæcata obrutæ Tarpeiæ audivitas. Felix è contra Scipio (Maiorem intelligo) qui diuitias è Reipublicæ administratione resultan-

tes contemnens, talibus insidijs non subijcietur. Quare si ad manum est quod satis est, & ad superuacua sudatur, ad damnosa semper laboratur. Τὸ δὲ εὐακράτιστον ἀπαν. Qui ad naturam viuit, nunquam pauper; qui ad vota, nunquam diues est.





Nè nimia.

XXI.

A Vrificans epulas peris (heu!) My-
da. Qui nimis optat
Cogitur aurata sæpè perire fame.



Quò

Quò plus , minùs .

XXII.



Bocchius.

Arcana querens curiosus perit.

Præ,



Præquirere vitare non
est.

F *Atis agimur, cedit fatis.*

*Non sollicitæ possunt curæ
Mutare rati fœdera fusi.*

*Quidquid patimur mortale ge-
nus,*

*Quidquid facimus, venit ex al-
to.*

Sapientis non est prævidere in-
ijs, quæ non alter euenire nata
sunt. Temerarij est velle sine
alis subuolare. Ceratas cura-
rum pennas velle nimis in altum
tol-

tollere, est ad timorum pœnas se erigere. Vitro mortalitatis oculo velle æternitatis abyssos perlustrare, irritare fulmina, non cuitare est. Inuisibile est arcantum hominis, qui parvus est Mundus, vide an Cæli. *Mentem celarunt Mortalibus Immortales*. Quæ in nobis, parum ad nos pertinent; quæ supra nos, nihil ad nos. Quæ in homine à Deo infunditur cognitio, datur ne per suæ fragilitatis limum obrepens cadat, non ut ad aëra se extollat. Quantum amens timidorum est speculatio! Stellæ, quarum lucem in obscuro vitæ itinere sequi debemus, sunt mentis lumina, non poli sidera. In-

finita

finita Cœli rotunditas nostros fi-
 nes in suis motibus præcogno-
 scere non permittit. I nunc A-
 S T R O L O G E, & te circum O R-
 B E M Geometricum euolue, vt
 Orbis ætherei effugias pericula.
 En quod magis vitabas magis
 inuenisti. Nunc

. *Quid tibi prodest
 Aëriastentasse domos, animoque
 rotundum*

Percurrisse Polum morituro?

Ah miser! Quid tua te nunc iu-
 uat frustranea sedulitas? Οὐκ
 ζῶει δὲ μάσσον ὄλβος ὀπιζομένων.
 Velocitas fulminis consilium ca-
 pere non concedit. Dum mina-
 tur, ferit. Astra, quæ vno aspe-
 ctum mutant momento, non

tan-


tantum temporis finunt, vt eorum tristes, aut benignos influxus præiudicemus, vel vitemus. Firmanda est mens in Eucharistico Orbe, Cœlestis Sphæræ Archimedis, non voluenda circum fragiles terrestrium Artificum Moles. Vera Theologia, non falsa Astrologia à fulminibus tutatur. Impotens fulcimen in fulminantes Cœli ruinas est circinus. Rectam solùm conscientiam verum propugnaculum existima. Experti sunt Simeon Mysiæ inferioris Princeps, ac Petrus Rex Castellæ, castella in aëre illos extruere, qui aëreis Astro-nomorum prædictionibus fidem præstant, dum iisdem oppressi


pressi bellorum molibus periere,
quibus quò plus ipsi suas glorias
ædificare crediderunt, minùs
stabiles inuenerunt. Frustraneum
est præuidere quòd vitari non
potest.

*Crux est, si metuas vincere quod
nequeas.*

Vis ex Poëtarum nugis seriam
veritatem decerpere? Audi

*Deniq; nil sapere ulterius, quàm
opus est, sapere unum est.*






Quò plus, minùs.

XXII.

A Stris nè credas . Bona mens bona sidera voluit .
Stellarum errores lubricus error habet .



Com-



Comprime, & nosces.

XXIII.



Plutarchus.

Sal, & mensa probant amicum.

Si



Si quid succi.

NUllius rei tam difficilis,
quàm humanarum passio-
num coniectura, existimatioq; est.
Cogita hinc quàm insipiens sit
qui verum Amicum ab externis
tantùm qualitatibus dignoscere
sibi suadet. Animus noster Ter-
tulliani instar pauonis, *Multico-*
lor, discolor, ac versicolor, nun-
quam ipse, semper alius, & si sem-
per ipse, quando alius, in eodem
statu nunquam permanet. Ho-
die quis Amicus iudicatur, qui
Adu-

Adulator cognoscetur. Stultum est credere mortali lumine cor cretâ inuolutum posse intueri. Vix satis esset Socratis fenestrella, si oculi etiam Lyncei ad inspicendum succurrerent. Verè Amicitiae argumentum nec longa perpetuæ benevolentiae annorum series esse potest. Imò quò longior, dubiosior. Tempore enim amoris ignis in gelu conuertitur. Et quævis paruula indignationis nubes ipsum extinguit. An proficius sit sodalis optas experiri? Sui auxiliij calorem pete. Si calefaciet, ex durabili quercu erit flamma; sin minùs, ex leui palea. Non abs re

Exitus acta probat, dixit ille.

Sed

Sed heu nimis tenaciter tyrannidem hac aetate exercet Interesse. Amicitia marito viduatur merito, ubi illud beneficiorum obliuioni desponsatur. Illius machinæ cognationes, ac status, nedum amicitias prosternunt. Id tantum nostris diebus vnicus scandali est fons. Verum omit-
tamus, nam percussus plures odij, quàm amoris scintillas emittit. Clarum quidem est humanarum mentium instabilitatem ex natura dependere, iuxta Iurisprudētum axioma *Mens hominis ambulatoria usq; ad mortē*. Illa porrò, si non cogit, ad malum tamen plùs, quàm ad bonum inclinat. Quare si calidum

I tem-

temperamentum nimis in petitionibus feruendo plùs irritat, quàm capter, & si frigidum potiùs tepefacit, quàm calefaciat, tanquam defectus naturales excusandi forent, nec in Amico subueniendo promptitudinem deberent diminuire. Cuncti eodem componimur luto. Solùm vel maius, vel minus aut calidum, aut frigidum in modis nōc distinguit. Hæ porrò qualitates quæ, cùm veniant ex alto, in nobis sunt præter nos, contumacem in Amicitijs hominem non deberent homini reddere, nec beneuolentiæ actûs impedire. Semper viri fuit honorifici φιλεῖν τὰ ἀντιφιλεῖν. Hinc cùm egestatis

tis


is infirmitas Amici MALVM
 MEDICVM perstringere cogi-
 tur, succus emittendus, non reti-
 nendus. Ita agendum, vt ille
 non mentiatur, qui dixit,

*Nec quisquam est melior Medi-
 cus, quàm fidus Amicus.*

Nulla Amico pulcrior possessio. Si
 post plurium annorum cultu-
 ram suo tempore fructus non
 pariet, aut pro tellure tantum in-
 gratitudinis fecunda habebitur,
 aut fictionis talpam in illa sepul-
 tam meliores radices erosisse iu-
 re credetur. *Cui sunt Amici esse
 sibi thesauros putet.* Istorum au-
 rum postulationum ictibus ex-
 ponendum. Si dulcem reddet
 sonum, aurum erit; si asperum,

orichalcum. E' mille exemplis
vnum ambas comprobet verita-
tes. Pompeius Ptolemæo ad se
confugienti, vt Rex coronetur
auxilium præstet, quale sincerius
veræ Amicitiaë aurum esse de-
beat ostendet. Eundem ad se re-
fugientem iubeat interfici Ptole-
mæus, proditiōis ferro immix-
tum demonstrabit. Vt vera ve-
rè probetur Amicitia,
In rem venias oportet.





Comprime, & nosces.

XXIII.

Malleus est petere. Hoc, quem
gemmam credis, Amicum
Percute; sic vitrum a vero adamante
patet.



Talenta, non Thalia.

XXIIII.



Adrianus VI. Pont.

*Desine pro numeris nummos sperare Poë-
ta.*

Au.



Aurum vera Chelys.

A *Vrea nunc verè sunt secula. Plurimus auro
Vènit honos.*

Heu quantùm me hac tempestate genitum deploro! Quantùm, inquam, memet hac ætate degentem odi, qua auri fulgores Virtutis lumen, vnà cum obte-
nebratis Hominum mentibus, allucinantur! Quinimò aspiciens hodie imperantes Auri pallores, illo magis expallesco. Ecquis præ timore non expallescat, cùm,

tam nefando duce, infidias, fraudes, mortes (& si quid peius reperitur) victrices palmas extollere intueatur? Interiere felicia illorum temporum monumenta, quibus Aurum Virtuti pretium effundebatur. Nunc Auro Virtus servire cogitur. Captiua pro scamno superbienti Auaritiæ subijcitur. Nihil est, quòd nunc exclamet Sulmonensis,

Ipse licet venias Musis comitatus, Homere,

Si nihil attuleris, ibis, Homere, foras,

nam si ad Magnatum ostia pulsa-
verit Homerus, non erit eundem
foras, nam nec ibit intus.
Sed peius luge. Acerrima fame
tor-

torqueatur Staius, vix cui Car-
men integrum panis frusto ven-
dat reperiet. O ætatem execran-
dam ! Auri æstimatione Virtu-
ti pretium adimis. Veram me-
riti substantiam in substantia-
rum multiplicitate consistere
autumas . Neque hoc conten-
ta, Virtutis fruitione, quæ inse-
parabilis substantia est, acciden-
taliū substantiarum possessio-
nem potiozem esse defendis.
Blasphemiam audi, sed heu ni-
mis veram ! Virtus hodie in Au-
ro consistit, non in Lauro . Quid
nunc Vatibus prodest, quòd
Poëtarum Siren cecinerit,

*Est Deus in nobis, sunt & com-
mercia Cæli,*

si auaro hoc tempore

. . . *Diuina, humanaq; pulcris*
Diuitijs parent?

Aureæ tyrannidis impietatem!
Sapientiam conculcant diuitiæ;
Gloriam AVARVS premit. Qui
opulentus, non qui sapiens est,
pro sapiente habetur. Scribas
hoc in pectore, mi Lector. Et si
quis amor erga Litteras tuus te
ad Flaccos, ac Marones nomi-
nandos quandoque inuitauerit,
Cræſorum, Crassorumq; agno-
minibus memento appellare. Si
aliter feceris, in te totius Orbis
iram concitaueris. Non ampliùs
Dux viuit Pelleus, qui Theba-
rum victor solius Pindari penati-
bus parci velit. Inter effrænatas
qui

Quidem Neronum mollities primum Senecæ venas aperire laus est . Fallere , mi Cordubensis . Incautè , hodierni respectu seculi, illud celebre dictum ab ore decidit .

Nunquam potest non esse Virtuti locus ;

Mecum potiùs illius miseras sic deffe ;

Nusquam potest nunc esse Virtuti locus .

nunc, qua ætate

Auro loquente , nihil pollet quævis oratio .



Talenta, non Thalia.

XXIIII.

A Vree Phæbe procul. Quod pan-
dis crinibus aurum,
Quisque videre potest, tangere ne-
mo potest.



Rēs



Res humana bifrons.

XXV.



Seneca.

..... Dolor, ac Voluptas
in vicem cedunt.

Vbi



Vbi mel, ibi fel.

..... **N**ihil est ab omni
Parte beatum.

Non aliâ, vt opinor, percitus causâ omnipotens ille Archimedes, cuius nutu inter rectos diuinæ architecturæ terminos totum limitatur, materiarum diuersitate, mundanâ scilicet corruptibili, cœlesti verò, quòd (communiori sententia) ab hac nostratium differat, incorruptibili, Vniuersum construxit, nisi vt Mortalibus

bus innotesceret, quòd *Res humana bifrons* suas vbique patitur inuersiones. Duorum super firmitatem cardinum fundauit, vt ostenderet, quòd si nostræ obstinationis in peccando est profunditas, diuinæ Pietatis in remittendo se extollit sublimitas. Duobus magnis Luminaribus illustrauit, vt noctu, diuq; hæc nobis splendesceret veritas, lucem sine tenebris non reperiri. Elementa quattuor in duas distribuit species, quarum altera onerosa, altera sine pondere libraretur; vt nullam grauitatem leuitate carere indicaret. Binam tempora in classim disposuit, quarum vnâ glaciale seminibus, aliam

aliam ardentem meissibus desti-
 nauit, vt Iuuentutis calorum sub-
 secutrices senectutis niues, ac
 omnis spei suos metus comites
 manifestaret. Demum, vt bre-
 uibus utar, maximum suæ dex-
 træ opus, marem, ac feminam,
 illum perfectionem, hanc natu-
 ræ defectum creauit, vt *Rem hu-*
manam bifrontem esse vndequa-
 que patefaceret. Hinc Homo in
 ipsa absoluta arbitrij libertate ty-
 rannicis suis passionibus sponte
 seruus viuit. In bipartita anni
 determinatione millies nascitur,
 ac moritur. In seiuncta tempo-
 rum dimensione frigora, & su-
 dores tolerat. In bina elemen-
 torum segregatione illis genera-
 ri,

ri, & corrumpi se agnoscit. In duobus Luminaribus voluptatis diem, & doloris noctem nanciscitur. In duobus probat Polis profunditatem quasi per consensum altitudini opponi. Ac in gemina materia totum componente partis diuinæ, atque humanæ sibi à Deo traditæ discernit distinctionem. Imò idem in Materialium contrarietate experitur, quòd si ab Anima, quæ æterna est, ductus, ad sublimiora se tentat extollere, à Corpore, quod fragilitatis fundamentum est, ad inferiora tractus, impeditur. In opposita Cardinum duplicitate, quòd si ad ardua se sublimat, ad ima ruere periclitatur.


In

In Cēlestium Lampadum gemi-
natione alternatim suos ortus, at-
que occasus quotidie sustinen-
tium, quòd

*Prima quæ vitam dedit hora,
carpsit .*

Experitur in diuersa Elemento-
rum congerie, quòd si ex duobus
constantiam , ex alijs mobilita-
tem recipit. In differenti tempo-
rum ordine , quòd si Iuuentus
genas floribus pingit, tempus ru-
gis obturpat. In binis Anni se-
mestribus , quòd totum huius
euolantis vitæ esse inter duo-
rum extremorum terminos clau-
ditur. Experitur tandem in ge-
mino Sexu discrepanti, quòd si
sano ditatur arbitrio, infirmâ do-
tatur


tatur potentiâ . Quare hunc Labyrinthum, si non in Creta , saltem supra miseram hominis creatam volubilis mei calami ambagibus formatum potest Mundus percurrere , & ex tot duplicitatibus, & ex hoc bicipiti THOREVMATE intelliget, quòd *Omnia abeunt in nascendi, pereundiq; gyrum; quòd Res humana bifrons* . Et si satis hoc nondum edidicit documentum , ultimam apprehendat lectionem è primis omnium Parentibus , cordis sanguine lacrymabilem . Nati illi ad vitam inter delicias terrestris Paradisi, iidemque nacti mortem inter rigores inclementioris Celi . Disce: *Gaudia habent luctum, gaudia luctus habet . Res*



Res humana bifrons.

XXV.

I Ane biceps, Mundi varians fallacis imago es.
 Occiput inde malum, sinciput inde bonum.



Aut

Aut caue, aut siste.

XXVI.



Hesiodus.

Qui inconsideratè loquitur sentiet mala.

Non



Non intrandum, si norma deest.

E *St aliqua Sapientiae pars silentio stultitiam tegere. Non negandum censerem Naturæ prouidentiam inter dentium val-
la linguam clausisse, ne nimis licentiosè effugeret. Præuidit optimè, quòd humido in loco illam posuisse erat ad lubricitatem exposuisse. Eius fluxibilitas nimium periculosa visa est. Agnouit illius acumen facilè sibi iter ad exeundum aperire. Sciuit eam*
quo-

quodammodo fulminis instar
effectam ad ruendum præpetem
esse. His cognitis, quasi se corri-
gens, dentium obstacula ante-
posuit. Nec quidem, ut retine-
retur, nisi ossium fortitudo de-
bebat opponi; adeò enim furio-
sa est, ut vix quoque illis impe-
diatur, quin transcurrat. Si Na-
tura igitur ipsa, quæ semper ad
perfectionem tendit, visa est, ut
ita dicam, se corrigere, se quo-
que corrigant Insipientes ij, qui
imperfectiōibus abundantes,
os nesciūt aperire, quin propriam
aperiant ignauiam. Et si tamen
bene loqui ignorant, id facere illi-
lis sit tacere. *Incauta lingua ve-*
Et igitur calamitas. Illa, si facile
volat,

volat, loquentem faciliùs violat. *Tacen lo insipiens pro sapiente haberi potest*; loquendo insipientem se monstrat. Maior tamen appendix interponitur generali ipsa hac regula non minùs obseruabilis. Plures unicuique sunt linguæ. Interdum quæ in ore est, est minor. Minima supercilij eleuatio, vel suppressio quandoque magis locuta est, quàm centum ora. Loquitur caput suo motu, & sæpè eum à quo mouetur capite carere indicat. Loquitur oculus, & inoculatum loquentem plerunque accusat. Loquitur cubitus, dum parùm torquetur, & torti torquentem iudicij frequenter culpat. Loquitur

K

manus, ~

manus, & inter digitorum spatia, se claudendo, ac recludendo, multa elabi confirmat. Pes loquitur, & pro gloriæ vestigijs crebrò ignominia imprimit vestigia. Cunctis ergo pro observato habeatur in quolibet istorum idiomate æqualiter suam linguam moderari, nam

Quod semel emissum, vocat irrevocabile verbum.

Id omninò per praxim intellexistis vos, Serenissimi Adriæ Harpocrates, admirabile quorum silentium inter ceteras, quibus effulgetis, Virtutes spectabilibus pro octauo Orbis miraculo cunctis terrarum gentibus excolitur. Vos, Regalia quorum Senatûs
Con-


Consulta plùs occultantur, quò pluribus statuuntur. Vos, quorum linguarum continentia virginem Sceptri incolumitatem seruauit. Vos tandem, quorum quisque Libertatem Regni è linguarum captiuitate recognoscit. Prosperer ergo tantundem diuina vos bonitas, quantùm ipse, cum Vniuerso, in omnibus, & in hoc præcipuè veneror. Vos toti Mundo pro exemplis proponam, Fidelissimi Optimates, qui id etiam quod vobismet ipsis, nedum vestris obnoxium est coniunctis (vt Rempublicam vnusquisq; vestrum conseruet, & augeat) extra pectus non emittentes, ostenditis Linguam rubro

colore MISSILEM esse IGNEM,
 qui si inaduertenter accendatur,
 accensori non modò derisio-
 nem, sed damnosam quoq; af-
 fert perditionem, & edocetis
 quòd

*Nobile lingua bonum si fari in
 tempore nouit;*

*Nobile lingua malum si fari in
 tempore nescit.*

Μεγάλη παίδ ευσις ἐν ἀνδρῶ.
 ποισι σιωπή.





Aut caue, aut siste.

XXVI.

VT sapiens habere, file. Doctrina filere est.

Quisque loqui potis est, non bene quisq; loqui.



Non omnibus æqua.

XXVII.



Xenophanes.

Non omnia omnibus æqua feliciter succedunt.

Fons



Fors semper forsan.

F*Raus sublimi regnat in Aula,*
admonens ait ille.

Fraus ingenti regnat in ALEA,
admonitus dicam ipse. Nec mi-
nimo quidem asse Aleatorium,
ac Aula differunt. Non minùs
in hoc, quàm illo in loco, tan-
quam idolum colitur Fortuna.
Illic leuitatibus chartarum; hîc
cogitationum vanitatibus ipsam
vnusquisq; ad sua trahere nititur
desideria. Hîc libertatis com-
pedum vota, illic auiditatis ma-

nicarum tabellæ appenduntur. Illic patrimonia prodiguntur; hîc arbitrij facultates perduntur. Illic pictæ imagines, hîc ficti aspectus decipiunt. Anceps in Aula omnis potentia; dubia in Ludo omnis pecunia. In hoc, quos vocas, numeri non respondent; in illa, quibus aspiras, dignitates effugiunt. Vtrobique vbi velis nolunt, vbi nolis volût. Hîc crescendo, vel decrescendo chartæ; illic vel augendo, vel minuendo existimationis crescit, & decrescit potestas. Hîc punctus aut ditat, aut pauperat; illic in puncto vel felicitatur, vel infelicitatur. Hîc Rex aut eleuat, aut premit; illic Rex aut perimit, aut
sub.

subleuat. Hic frons, vel humerus Principis; illic Sortis Reginae caelaries, aut caluities beat, vel torquet. Tandem vbiq; te veritas, vbiq; paritas. In Ludo fumus fit cupido; in Aula fumus est spes. Illic emitur, hic venditur. Illic fletum ciet; hic risum claudit. Illic ludicris belli Ensis auri oneri pugnatur; hic adulatorijs pacis securibus honoris auræ decertatur. Illic donec fictitia tractantur numismata in pretio habentur; hic donec Principi inferuiunt Aulici, tanquam imagines coluntur. Post ludum, illa vt falsa negliguntur, ac omnium pedibus conteruntur; Post seruitium, hi vt fallaces conte-

mnuntur, ac cunctorum iniurijs
 conculcantur. Hinc, & illinc
 pari semitâ ad Sortem omnes
 tendunt; sed *Non omnibus æqua*.
 Hinc piratam videmus, quod
 benè nauigatoriam suæ morda-
 citatis chartam iactauerit, Ale-
 xandri gratiæ victorem euadere.
 Illinc sub Rhamiro Hispania-
 rum Rege, eâdem causâ, plures
 Magnates vitæ iacturam facere.
 Quamobrem mihi licitum fa-
 ciam dicere,

*Obscuris luces illustribus Alea no-
 etes*

*Mutat, & alternas gaudet ha-
 bere vices;*


non multùm à sententia distan-
 do illius Vatis, qui cecinit,

Clara

*Clara tenebrosis, illustribus Aula
tenebras*

*Mutat, & alternas gaudet ha-
bere vices.*





Non omnibus æqua.

XXVII.

A Lea, quæ imos summis, summos
æquat & imis,
Aula est. A' fausta vel tibi sorte time.




In



In peius.

XXVIII.



Seneca.

..... Nulla dies
 Mærore caret, sed noua fletûs.
 Causa ministrat semper.

Nuf-



Nusquam meliora.

Incidit in Scyllam cupiens vitare Charybdim.

Infelix omninò mortalitas! Vndique te volue, vndique miseriæ. Malam euita, peiorem inuenies. A fronte præcipitium, à tergo lupi. Cum circumspexeris omnia, nullas videbis angustias inanes. Calamitas lex naturæ est, non rigor. Humanam vitam lacrymarum esse vallem iam satis nôsti. Dextrorsum illam suspiriorum obtegunt montes, sinistrorsum


sum circundant fletus maria. Si
obscura vnius diei hora nos con-
turbat, tota nox tenebrosa sub-
excruciat. Si incerta quietis va-
letudo nobis animum recreat,
mille curarum febres infirmant.
Si breui voluptatis autumnus per-
fruihur, longa ærumnarum hye-
me affligimur. Campus belli-
cus simul, ac frumentarius est
Mundus. In illo victrices palmæ
sanguine irrigantur; in hoc flebi-
les messes sudore fecundantur.
Ecquid mali mentis oculis subij-
citur, quod peioris imaginem
non repræsentet? Fueriles vagi-
tas viriles cient calamitates. In-
scij singultus mortalium suspi-
riorum sunt præludia. Corporis
com-

compositio ex contrariorum putredine conglutinata nos tineis pabula destinat. Quid plura? Quod nobis bonum videtur, non tantùm bonum non est, imò malum, & (quod peius) mali peius. Dapes, quæ quò lautiores, eò faciliùs infirmitatibus nos enutriunt, cadauera sunt; cædium simulacra præmonstrant. Sericæ vestes, quæ nostram detegunt superbiam, pondere nos grauant; vermium repudia sunt. Effrænatae Sensus voluptates, quæ paulatim nos stillant, lectis plerunque affixos frænant; sensum insensibiliter adimunt. Luctibus succedanei luctus: Muta horum te doceat

PISCICVLORVM

f cundia, qui dum feruens oleum effugiunt, in prunas decidunt. Non vnus hodie haud fabulosus est Icarus, qui non fictam doctrinæ præstet basim, dum è carcere periculum mortis fugiens, mortem ipsam in mari comperit. Circea effugiat Vlysses pocula, lethalibus Sirenum cantibus obturandæ erunt aures. His elapsis, aspera aquarum discrimina euitet, asperiores piscium spinas experietur. Sole clarius est, quòd in Mundo


Finis vnus mali gradus est futuri.



In peius.

XXVIII.


IN peius si cuncta ruunt, quid pro-
spera curas?
Solùm abit in melius qui meliora ti-
met.



Ob-

Obtenebrat, & clarificat.

XXIX.



Taurellus.

Arduum non est per Typos gloriam imprimere, sed gloriam mereri.

Di-



Diuersæ causæ diuersus effectus.

P*Rudentiâ omnia maturanda
sunt consilia; Quæ etenim
minùs maturantur, damno ma-
gis exacerbantur. Ea præsertim,
quæ ir retractabilia. Fallaces
mortalium præsumptiones! Ut
terminabilis tandem æternitatis
dies obtineatur, incertæ Typo-
rum nocti occurrere incautum
semper fuit. O quantum igno-
rant Homines gloriæ cupidi
quid illa sit, aut quemadmodum
peten-*

petenda. Multi inter atramentorum tenebras lucem quærunt, sed pauci acquirunt. Non omnibus atramentis eiusdem perfectio est sandarachæ. Si nonnulla illustrent (quamvis pauca) naturalem accidit præter obicuritatem. Auram stringendo, adimunt, non addunt, prælorum oppressiones. Typorum Dædalios sequi est se vdarum fuliginum æquoribus immergere. Sed quoniam in fretis sumus, TYPVM Dodonæo fonti non inconcinnè liceat mihi exequare. Ille faces extinctas accendebat, accensas exinguebat; hic quæ honoris splendore carebant Ingenia quandoque illustrat, quæ
verò


verò alicuius nominis fulgore
 enitebant, heu nimis plerunque
 obtenebrat. Ex abecedarijs scri-
 niolis sua opera extraxisse bo-
 nam veterem famam in illis se-
 pelijſſe multis fuit. Ex Typogra-
 phico marmore, tanquam ex ſili-
 ce, æternitatis ſcintillæ nonnullis
 eruperunt; alij verò illius maculis
 proprios errores ſignarunt. Pla-
 nitie tabellarum, in quibus di-
 geſta litterarum cohors ordina-
 tur, ad gloriæ metam properan-
 ti ſua quoque obijcit offendicu-
 la. Non omnes Pennæ in cubi-
 libus prælorum quietem Scripto-
 ribus ſternunt. Cùm igitur nihil
 periculofius, quàm in lucem exi-
 re, inter exiguas mediocris exiſti

mationis tenebras meliùs talpam
vivere , quàm famæ Solem mo-
riendo experiri . Quot fuerunt ,
sunt, & erunt, quibus obstrepens
Vtliculorum comp'osio futuros
plausus præfagiuit? Quot ve ò,
qui illorum duntaxat rumorum
encomia obtinuerunt? Quid esse
tot nigredines credis Typogr-
phas vndique obturpantes? Ple-
risque nominis exequijs funebres
sunt apparatus; alijs verò propria-
rum Virtutum candoribus, quò
magis elucescant, sunt contraria..
Ex Torculis faciliùs pœnitudinis
lacrymæ , quàm gloriæ succi ex-
primuntur . Solam proferat E-
clogam Mantuanus , qui priùs
pro Virgilio non agnoscebatur,

Ma.

Magnæ spes altera Romæ, de se veridicè dici sentiet. Aliquid in promptu habeat Meuius, qui alicuius opinione pro docto exaltabatur, ridiculum Virgilio-mastigis agnomen merebitur. Typus itaque Lydius Auctorum est lapis. Per illum, quis pro argento habebatur, & plumbum dignoscitur; ac quis pro plumbo negligebatur, & argentum euadit. Qui igitur oricalchum est, licèt alieno conceptui aurum videatur, experientiæ se non exponat, & certus sit, quòd


Opinio esse non mutat. Nec minus per eum potest quis tenebrosus euadere, quàm illustris.



Obtenebrat, & clarificat.

XXIX.

Tingit, & illustrat Typus. Al-
bam pagina, fumus
Nigram Operi famam non semel ef-
se notat.




Tem-



Tempore insanire sapere est.

XXX.



Seneca.

*Nullum Ingenium magnum sine mixtura
dementiæ fuit.*

In-



Interdum seria nugæ.

Misce stultitiam consilijs bre-
uem.

Nimia Imperantis maiestas ex-
stimationi semper damnosa ex-
titit. In hoc liceat mihi ab illo
discrepare. *Non continuus, sed
rarus spectus minùs verendos
magnos homines facit.* Cano-
bus, & Crater sidera quæ rarò
apparent, ac si non essent ne-
gliguntur. Fratres verò Lædæi,
quorum quisque per semestre ef-
fulget, non solum meo huic Na-
warcho, sed toti etiam terræ ma-

riq; venerabiles enitescunt. Hinc
verum fit , quòd tantùm inter
Magnatum terminos ab alieno
seiunctus commercio viuens
Princeps reuerentiam sibi à po-
pulis debitam periclitatur amit-
tere . Qui enim ignotus viuit ,
etiamsi quandoq; in publicum
prodeat, quòd ignotus sit, non
magni æstimatur . Præterea non
parùm de se, suisq; videtur dubi-
tare, qui cum illis negotia in otia
quandoq; non permutat. Duros
Soliorum lapillos semper terere
pedem lassat . Thronorum ho-
lofericum si incessanter pre-
matur , suis , licèt sericis , acubus
pungit . Continua Stratorum
mollities durefcit, & spinas parit,
nisi

nisi curarum dumis quandoque expurgetur. Spiritûs interdum relaxationibus leuare, est ad sublimiores volatus eleuare. Perpetuæ oppressionis noster non indiget animus. Satis corporis opprimitur carceribus. Videmus frequenter ab illo exitum sibi augurari. Maior contentio, quæ particularem infestet naturam, est melancholia. Hæc porrò ex nimietate curarum solum producit. Sanguini, vt viuus conseruetur, necessarius est motus; Principi, vt incolumis sistat, de Solijs ad delicias moueri necesse est. *Nascitur ex assiduitate laborum animorum hæbetatio quædam, & languor*, quorum illa stupi-

L 4 dum,

dum, hic infirmum hominem reddit ad ea, quibus promptior deberet esse, & alacrior. Qui magnum fert pondus, ut labori diutius vigeat, se interdum recreare, ac ne sub illo spirare periclitetur, respirare oportet.

. *Vires instillat, alitque
Tempestiva Quies.*

Cor, & pulsus Politici corporis est Princeps. Illud suis fruitur pausis, iste suas habet diastoles. Quantum igitur prosit animum si nūquam remissum, interdum saltem solutum habere testentur Septriferis hæc BACCHANALIA. Principes, qui interdum sublimiores inter curas

Εἰλαπινάξεις πίνεσι τε αἴθοπα
οἶνον, non

non semper reprehensiones merentur.

Insipiens esto cum tempus postulat, aut res.

Stultitiam simulare loco prudentia summa est.

Sol ipse, qui in sui regiminis æternus rotatur gyro, maiori indefatigatione interdum quoque eclipsis personam gerit. Sole igitur ipso clarius est, quòd *Tempore* leues muscarum venationes Regnantes non dedecent, dummodo tamen grauiorum curarum sola sint intermedia. Nec non absoluendus est Rex Galliarum Carolus VI, si personam vultum sibi tegere se delectarit; dum hac ex re illi detegatur hæc veritas,


L 5

Quod

Quod caret alterna requie durabile non est.



Tem



Tempore insanire sapere est.

XXX.

Non animum assiduis intende laboribus. Arcus,
In partes, semper qui iaculatur, abit.



L 6

Si

Si captus capio.

XXXI.



Gruterus.

Nullas metuit insidias Virtus.

In



In ferro est libera Virtus.

Virtute nos victores vivere,
non ambitione, neque perfidia,
 inquit Plautus. Quid igitur
 agis Liur? Putasne te extollen-
 do, Virtutem iniurijs opprime-
 re? Lacerare dentibus? Astutijs
 decipere? Quæ te cepit demen-
 tia? Cùm sit immota, lapidem
 verberas. Hoc circum noli diu
 enucleare. Temeraria est cura.
 Illa si fraudibus caret, prudentiâ
 abundat; si ore non carpit, cala-
 mis ferit; si verbis non lædit, fa-
 ctis

Etis vlciscitur. Quare de illius victoria nulla spes remanet. Sed oh quoque vtinam Virtutis Sol aliquo modo eclipsi, vt nequit, posset subijci! Paruum licèt, aliquod tamen felicitatis lumen mundo superesset. E' portentosa illius obtenebratione tui parim exterminij influxum præflagiret. At quoniam fallax est cupido, ab incepto desistas. Et si tuæ malignitatis defectus id te exequi non patitur, propter amorem erga te tuum saltem desiste. Nimis potens est hostis. Licèt te innumeræ sequantur phalanges, pauci illam milites, vnus ex suis magis præstat, quàm mille ex tuis. Verùm esto quod

ex se est impossibile. Euadis victor; Quid inde? Nonne es Lior? Igitur es passio, quæ solum opprimendæ Virtutis spe pascaris. Non ergo talis spes te potest enutrire, nisi se existenti Virtute enutriat. Igitur in quantum esse habet Virtus, in tantum & ipse. I nunc, tantam quære victoriam, o Strenue. Inimicam destrue. Admirabilis mehercule eris victor. Temet vinces, quod paucis datur. Hæc tua Virtutis opprimendæ cupiditas expressa ergo est stultitia. Proprium contemnit periculum; sana esse non potest. Quapropter aliò curas conuerte. In illam frustraneum omnem laborem iam argumentare.

*Cæditur, & surgit vincens per
vulnera Virtus.*

Si vinciatur, fortior. E' ferro
constantiam refert. Est LEO.
Rigores exasperant, non mul-
cent. Melius ligatur precium
laqueis, quàm compedum vin-
culis. Et si quandoq; his stringi
patitur, id consultò efficit. Vult
inter Catenarum strepitus magis
suarum gloriæ virium resonent,
dum vel capta capientem capit.
Quantumvis, Liur, sis VVLPES
callida, parùm proderit. Si huic
Leoni, quòd sit vinctus, insulta-
re liberè ausus fueris, solo *ex un-*
gue Leonem experieris. Insidias
quidem illi potes meditari, ut li-
bertatem amittat, sed quia ne-
que

Si

Si fractus illabatur Orbis,
Impavidum ferient ruinae,
nihil proficies. Imò illi poenas
machinando in te sæuiorem
concitabis. Sic præter conscien-
tiæ morsus, tibimet damna ex-
trues. Infidiarum catenis capti-
uum mortis faciat Tydeum Me-
nalippi inuidia, aliena captiuitas
sibi nequaquam fiet libertas. Ni-
hil huic proderit Vulpem esse,
nam ille, instar Leonis, illius ca-
put vorando, vel victus vincet.
Liuor ergo tibi consule, tua enim
aduersaria

Ipsa feras, hominesque domat, non
horret inermis.



Sicaptus capio.

XXXI.

Non trepidat duras Virtus immo-
ta catenas.

Vincla sibi torques; hisque ligata li-
gat.



Gra-

1872

1872

1872

Grauiā ex modo leuiā.

XXXII.



Seneca.

Facile supplicium perpeti se supplicio liberare est.

Vi-



Victrix malorum patientia.

D*Vrum, sed leuius fit patientia*

Quidquid corrigere est nefas.


Prudentiæ argumentum est in qualibet re patientiæ pondus sufferre, cùm nihil onerosum sit, in quo hominis constantia magis non elucescat. Pericula superare intrepidi, effugere Sapientis, sagaciter verò tolerare, intrepidi simul, ac sapientis est. In curarum ponderibus nemo fortior
rem

rem supponit humerum quàm
Prudentia. Pertinacitas in feren-
do opprimit, modus in sufferen-
do subleuat. Ratio crescens le-
uat graua, decrescens grauat le-
uia. Negotiorum ruina proue-
nit, quòd omnes vel principium,
vel finem tantùm, mediij mo-
dum nemo considerat. Infirmus
prout libenter recipit, dulcem
reddit medicinarum amaritudi-
nem. Prout manu bilanx regi-
tur, grauiora, & leuiora reddit
numismata. Princeps qui bene
ponderatis consilijs succumbat,
sibi leuius regni pondus efficiet.
Sceptri quamuis pacifici onus
nescienti gladium regere graue
est. Sed qui in hoc tractando
mo-

modum habet, hunc & illud le-
ue sibi reddit. Fortem esse da-
mnosum homini fieret, nî saga-
citas robori coniuncta illi da-
mno repararet. Nisi isti BAIV-
LI industriè sibi pondus agili-
tarent, sub illo facilè disperirent.
Scire ferre est scire sufferre. Si
Matrimonium malè toleret co-
niugatus, tristitias, ac misérias; si
benè, diuitias, ac delicias ab illo
recipiet. Si Religiosus in Obe-
dientiæ stimulum recalcitret, di-
spenditur apostata; si rectè ser-
uiat, parendo imperat. Scuticam
derideat Discipulus, tantùm ri-
sibilitas illum à brutis distinguet;
honoret, Virtute honorandum
se reddet. Patientia Lydius lapis
est,

est, qui animi probat virilitatem. Anima nostra, quæ, vt diuina, ex se impassibilis est, tunc magis in sua relucet diuinitate, cùm ad passibilitatem se flectens ad impossibile accõmodatur. Domesticas Vxoris iniurias pati ediscat Socrates, blanditias sibi illas reddet. Benè toleret Obediẽtiam Iulianus, Religiosę laurus glorię coronam sentiet; malè, opprobriosa fulmina contumeliæ experietur. Platonis ferulam non ægrè ferat Stagirita, Discipulum supra Magistrum dari ostendet. Sic satis Poetæ veritas innotescit,

. *Leue fit, quod bene fertur, onus.*



Gravia ex modo leuia.

XXXII.

QUod benè fers, leue fit. Non
stabit machina Mundi,
Nì bene sit geminis æquilibrata Po-
lis.



M

Me-

Medium tene.

XXXIII.



Horatius.

..... Frustra vitium vitaueris illud
 Si te alio prauum detorseris.

Qui



Qui se detorquet, torque-
bitur.

INter utrumque tene. Medio
tutissimus ibis.

Quisquis es, Homo, qui legis,
hoc semper reminiscere. Omne
extremum vitiosum. Qui pro-
prium interesse magis, quàm
conscientiam consuluerit, hâc
semitâ nunquam incedet. Iuue-
nem calor ad sinistram volupta-
tum, vel ad dextrâm rigorum
impellat, ab vtraque secedat; Ex-
tremû quippe nullum durabile.

Nec nimis speret Pauper, nec desperet; vtrumque enim, cùm affectûs impetu producat, ad maiores perducit ruinas. Priuatus Reipublicæ decreta nec nimis curet, nec nimis negligat. Obediat, sic à tramite non aberrabit. Sit prodigus, aut tenax diues, ab vno damnosam vtilitatem, ab alio famelicam referet famam. Liberalitatis viam perambulet, de neutro reprehendetur. Nimis infulsè, aut nimis scrupulosè componat Scriptor, vel non legetur, vel deridebitur. Elaborato solùm vtatur stylo, hæc famæ vulnera non patietur. Benignitatem, aut rigorem excedat Princeps, nî rectæ clementiæ

tia medium obseruet, aut inobseruatus viuet, aut inuisus. *Unicuique conditioni mediocritas optima.* Regibus præsertim, quibus illud sæpè arridet dictum, *Quà libet (non quà licet) Reges eant.* Callibus, quos illi perambulant, propriæ non desunt fossulæ. Ecquis plùs illis cautellæ indiget medio? Nec in priuatis quidem congressibus publicis priuantur calumnijs. Si parùm risui os aperiunt, aut grauitatem sustinent; mille ora ipsorum derisioni recluduntur, cunctis graues fiunt. Si è Regijs tempore exeunt opportuno, aut celati imperant; in mille importunitatum incidunt miserias, Cœlum cla-

moribus resonat. Tandem si merentibus vel non modicè, vel parùm donant; in utroq; immodicè ab immerentibus damnantur. O miseros Principes, quibus vel medium tenere vix reprehensionibus est immune! Si vestrorum operationum gressibus illud pro scopo semper est præfigendum, quid reliquis hominum, qui à vestrorum pedum ductu reguntur? Quid Aulicis, qui aut adulantur, aut lacerant? Quid Mercatoribus, qui inter menlurarum terminos à termino, prout suaferit utilitas, aberrant? Quid Gemmarijs, qui christalla pro gémis (si id faciunt) interdum vendendo, gemitus su-


sci-

scitant? Quid Numularijs, qui
 vsurariè nummos alterando, Nu-
 mina sibi assiduè irritant? Quid
 cæteris Artificum generibus,
 quorum alij fraudolenter bilan-
 ces librando, sibimet fraudes li-
 brant? alij modios diminuendo,
 culpas sibi augent? alij merces
 falsificando, verū alijs damnum,
 & sibi ignominiam afferunt?
 omnesdenique, huius BVBVL-
 CI instar, desiderij Currum ad
 Auaritiæ latus vertentes, à medio
 æquitatis declinant? Hi tamen
 plerunque Mundum edocent,
 quòd medium negligere, est
 præcipitia diligere. In quacun-
 que re qui vult tutò incedere,
 rectam viam Iustitiæ, & Verita-

ris ibit, non obliquam fraudis.
Nec vulgaria in ipsis Magnati-
bus probant exempla, quòd con-
tempto medio in Thronis sede-
re, illorum latera tantùm pre-
mèdo, est lapsus sibi perquirere,
vbi è contrà in medio sistere, est
sibi in ipsa morte gloriam stabi-
lire. Militaris Medium iustitiæ
(pro vt patitur Militia) Magnus
teneat Alexander, iniusto in ve-
neno mortem bibet immorta-
lem. Obliquum impietatis tra-
mitem maior calcet Alius, vene-
natis poculis aliorum morti pa-
ratis portentosè sibi, ac Nepoti-
bus mortem parabit. Ergo

*Quisquis medium defugit iter
Stabili nunquam tramite currit.*

Me-




Medium tene.

XXXIII.

I N iustum, Iustumque inter stat ter-
minus Æqui.

It benè qui hoc sumit; qui illud, in
ima ruit.



M s

Spe-

Speciosa foris.

XXXIIII.



Iuuenalis.

*Qui Curios simulant, & Bacchanalia vi-
vunt.*

In



Intus ab opposito.

Pietatis fictio non pietas est, sed
 geminata impietatis veri-
 tas . O execrandam hypocri-
 sim, o maledictos Hypocritas!
 Ante aras in Deum peccare, vt
 Homo vos excolat; flagitiorum
 tellem, vt flagitia tegatis, qui vos
 iudicaturus, inuocare; vt alij cru-
 ces ferant, cruces facere; vt Mun-
 dum fallatis, Cœlum deridere;
 scelerum instrumentum, ne alij
 vos noscant, qui totum noscit,
 Deum facere, o fallaces fictæ Re-
 ligio.

ligionis presumptiones! Qui publicè Pseudosāctos facitis Theognidem vos increpātem audite.

Εὐερδων εὖ πραττε. Τί κ' ἄγγελὸν ἄλλον ἱαλλεις?

Quid agitis miseri? Odit vos Mundus, quòd pios credat; odit vos Deus, quòd impios sciat; atque ita utrique odiosi, in neutro vobis præsidium est. Nonne Diabolicam noscitis Theologiam providentiæ titulo avariciam tegere; constantiæ nomine importunitatem velare; tædium feruorem appellare; impurum amorem puram charitatem vociferare; ac ipsam Hypocrisim Sanctimoniam nuncupare? Vestra, Ne-fandi, impietas maiorem decla-
rat

rat diuinæ Clementiæ pietatem,
 quæ otiosa teneat fulmina. Sed
 profectò in vestris penis supre-
 ma otatur æquitas, quòd fulmi-
 num supplicijs vestra non cedat
 conscientia, *Nihil enim est mi-
 serius, quàm animus hominis con-
 sciens.* Fictam Istorum MENDI-
 CITATEM æquatis, qui ipsas pau-
 pertatis pœnas in proprium lu-
 crum sibi conuertunt. Sed quid
 lucrum extenuatam cogi vitam
 degere, plagas sibi facere, mem-
 bra extorquere, vno verbo, Zo-
 pyri talento, incommoda sibi
 commoda mercari? Quid, in-
 quam, lucri esse potest, vbi
 Anima detrimentum patiatur?
 Inspicite, amentes, Valentinia-
 num,

num , ac Theodosium Iuliani
Hypocrisi aduersantes ad Re-
gnum elatos, ipsiusque simul A-
postatae finem recordemini. Ca-
duca sunt quæ fictæ rectitudinis
fuco possidentur . Benè igitur
Poeta

*Fallitur augurio spes mala sæpè
suo .*



Spe-



Speciosa foris.

XXXIIII.

QUàm benè transuersum de tè
sonat illud, Egeue!
Si qua mihi est probitas, improba
vita mihi est.



Ver-

Verti ad meliora Virtus.

XXXV.



Cicero.

Cuiusvis est hominis errare, nullius, nisi insipientis, perseverare in errore.

Cc-



Cedendum tempori.

Non est turpe cum re mutare
consilium. Diuina qui-
 dem res est immutabilitas. At
 soli conuenit Deo, quia in sua
 perfectione perfectissimus in me-
 lius tendere non potest, nisi in se
 ipsum, qui omnium bonorum
 est melius. Μηδέν ἀμαρτεῖν ἐστὶ
 μόνον θεῶν, καὶ πάντα καὶ δορδοῦν.
 Sed Mortalis, qui tot imperfe-
 ctionibus repletur, si ad diuini-
 tatem, prout sua permittit imbe-
 cillitas, optet accedere, in melius
 mu-

mutari debet. Semper in eodem
cōsistere proposito, licet bono, si
melius reperiatur, laudandum
non est. Potius obstinatio, quàm
sapientia debet nuncupari. Ani-
mus noster actionum motor, ut
angelicus, ad melius semper, &
ex consequenti ad mutationem
nos constringit. Si igitur unus-
quisq; tenetur in melius flectere,
certum est, quòd per alterius
consilium id faciliùs efficiet. Ma-
nibus à tergo vinctis per tene-
bras vitæ incedet, qui consilij lu-
men, ac illius mutationis later-
nam contempserit. Magnus erit
lapsus, cùm non parua fuerit prę-
sumptio. Ex terra, fateor, stabi-
liori elemēto, omnipotenti à Fi-
gulo

gulo compactus fuit Mortalis,
 vt firmus perfisteret, sed in opti-
 motantum. At cùm id pro hoc
 statu non detur, ideò per muta-
 tionem in melius ad illud, quan-
 tùm potest, tenetur appropin-
 quare. Et quòd verum sit, alio-
 rum quoque elementorum mix-
 tis coagulauit, quorum cùm alia
 liquida, leuia sint alia, ad mobili-
 tatem, & ad lubricitatem in me-
 lius propellunt. Attamen mul-
 tos habet Mundus in sua opinio-
 ne adeò peruiaces, vt malint
 ignorare, quàm discere, *Quam-
 uis sciant non esse crimen ignorare,
 sed nolle ex consilijs ediscere.* Sub-
 ueniat obstinatis vitam hanc
 AREAM esse, homines GRA-
 NA.


NA. Vt lolium, puluis, ac aena obliquarum cogitationum ab illis faciliùs separentur, ad cõfilij AVRAM iactare oportet. Humana præsumpcio, quæ in suis iudicijs ceca sensim incedit, in se ipsa (infandum!) ipsos defectus censet perfectiones. Nî rectæ admonitionis ducem sequatur, facillimè decider. Pauci sunt, imò nullus, qui suarum passionum partibus non indulgeat. Affectuum nutrimenta, quæ illis præbentur, breui ad Gigantis mensuram sinunt crescere. Nî zeli igne corrigatur, superbiunt, ac cœli ignes prouocant. Non sine iudicio Diogenes, cùm alio, quem consuleret, priuaretur, lu-
cer-

cernam consuluit. Sit quantumlibet sapiens Empedocles, si sub montis vertice consilio carens viuet, semet præcipitabit. Ediscant Regnâtes, quòd in summis licèt altitudinum montibus collocentur, si suis tantùm opinionibus innixi, sententias non mutando, Consiliarios despexerint, cùm magis se tutos credent, profundius deiciuntur. O quot præcipitia euitare potuisset Xerxes, si Proceribus congregatis irrationalem hanc orationem sæpiùs non replicasset. *Ne viderer meo tantummodo usus iudicio, vos contraxi. Cæterum mementote parendum magis vobis esse, quàm suadendum. Quantò meliùs Leotychi.*

tychilas, qui à quibusdam inconstantia reprehensus, Mutor, inquit, sed pro temporum ratione, non ut vos;

*Prudentis enim est pro re nata
mutare consilium.*






Verti ad meliora Virtus.

XXXV.

Omnia mutantur, tu non mutare? Tantum
Ad se mutandum nascitur omnis Homo.



Vt

Vt nutritur.

XXXVI.



Palingenius.

... , *Naturà est cultura potentior ipsà.*

Vti



Vti insita.

G *Eneris illustrat decus
Quisquis celebribus dignus
est natalibus.*

At his dignus nemo esse potest,
nî bona morum disciplina sub-
sequatur. Non fortis censendus
est qui ex forti nascitur, sed qui
fortiter operatur. Neque sic se-
geret quem fortis educatio talem
non reddiderit. Non satis est, ut
quis clarus bonusq; sit, αἵματος
εἶρας ἀγαθοῖο. Quales sumus, fi-
mus, non nascimur. Quòd benè

N

pul-

pullulat, triticū, non bonæ messis certitudinem præstat. Nî Agricola manu corrigatur, vacuas aristas extollet. Cerea congeries noster est animus. Et boni, & mali imaginem in se recipit. Cū verò recepit, æreum fit numisma. Si bono signabitur, Virtutis effigiem; si malo, Vitij simulacrum ostendet. Operæ ergo pretium est donec cereus mollescit animus, rectè signare; nam æreus factus, si vitiosæ Gorgonis rictu impressus fuerit, de difficili doctæ Falladis imaginem resumet.

*Dum tener est gnatus, generosos
imbue mores.*

Equus, qui pastomidem nūquam
sensit,

sensit, non nisi effrænatus esse potest. Asellus, qui incessanti lassatur labore, aliud curat, quàm calcitrare. *Id sapit unusquisque quod didicit*, ait Cordubensis. In ijs quoque rebus, ex quibus damnum percipimus à consuetudo, vel volentes, vix possumus declinare. Id Septentrionales testantur Anseres, qui per Taurum Montem transeuntes, nè Aquilas illic commorantes sibi inimicas experge faciant, licèt prouidè saxulo aditum gratitando occludant, assiduo tamen obstrependi habitu iam in naturam conuerso, incautè illud dimittentes, proprijs vocibus hostiles illarum vngues, ac rostra euocando, iam

trepidatas sibi strages prænunciant. ARBOR hæc, Artis studio, à dextra bonos, à sinistra malos, omnes inter se contrarios, ac suæ etiam naturæ aduersantes parit fructus. Si tam impropriæ fecunditatis causam quæras, quòd primis ab annis sic insita fuerit reperies. Si bona, bonos fructus; si mala, malos emittit. Pro mille sit tibi exemplis solus Agrippinæ filius, qui dum Bononiensiū Philosophorum dogmata libenter auscultauit, vniuerso Orbi, nedum Vrbi, Magni Principis spem optimam præstitit, Felsinæ incendia, orationibus apud Cæsarem habitis, reparando. Cùm verò Romanorum
illius

illius temporis adulatorum malignitati suam non omninò adhuc solidatam indolem commisit, Romani incendij maxima indicia prænuntijs scelerum ardoribus præmisit.


Consuetus vitio quisquis iuuenilibus annis,

Crimina non senio linquere posse reor.

Hinc disce.

Disciplina Virtutis magistra.





Vt nutritur.

XXXVI.

Q Visquis alis pueros, proprium
illis obtege crimen.
In Iuvene est vitium, fit scelus inque
Viro.





Bonum tandiù bonum est,
quandiù facimus.

XXXVII.



Catzius.

..... Tu quà inuat arripe quidquid
Te super ætheræa de regione fluit.

Vt



Vt sumitur Omen.

R *Es naturâ suâ optimas solo
abusu malas fieri usus do-
cet.* Nihil tam acerbum est, quod
irretorto mentis intuitu lætum
reddere nequeamus. At nos quę
credimus, non quę sunt, tristitia
nuncupamus. Tandiu damno-
sa creditur medicina, quandiu
amara est palato; disciplina aspe-
ra, quandiu odio est rigor; ac
perniciosa ipsa Dei flagella, quan-
diu flagitia cogunt deponere.
Verum si res funditus penetre-
tur,

tur, manu palpabitur, quòd *Sola*
opinionè magis, quàm re labora-
mus. Inspicietur quippe, quòd
punctionibus populi corrigun-
tur, ferulâ discipuli erudiuntur,
cicorijſq; languentes ſanantur.
Prauitatis argumentum! For-
midine tantùm viuimus. Quid-
quid hinnuleos terret, cùm nos
vulpes ſciamus, illis intimiùs per-
horreſcimus. Vel ex bonis mali
omina auſpicamur; Sic Auctoris
dictum verificamus,

Qui vanos pauet metus, veros
fatetur.

Echinnis ſimiles ſemper timo-
rum ſpinis inuoluimur, quòd
ipſi aſſiduè illas parimus. Quid
VIATORI, ſi CORNIX dex-
tror-

trorsum, vel sinistrorsum croci-
 tet? Anne vno, aut alio in loco
 naturam permutauerit? Et quæ
 priùs iter felix expedire iubebat,
 mox retrocedere admonebit? O
 insaniam! Conscientiæ timores
 hos excitant metus. Quia sem-
 per ad sinistram mali, & rarò ad
 dexteram boni tendere nos sci-
 mus, ideò à sinistra nobis da-
 mnum crebrò ominamur; licèt
 nullo alio fulciatur fundamento,
 quàm prauis humanæ naturæ in-
 clinationibus, quæ ad sinistros
 semper nos impellunt conce-
 ptus. Mentis sunt effectus feбри-
 citantis. Cùm enim cogitatio-
 num sanguinem culpis infectum
 hæc habeat, vana suspicionum


somnia, ut plurimum sibi fingit.
Vnde Pelignus,

*Conscia mens et cuique sua est,
ita concipit intra
Pectora profato, spemque, me-
tumque suo.*

Expurgatis utatur pictor tabulis,
hæ vel turpes colores pulcros
reddent; sordidis, vel pulcros tur-
pes efficient. Qui rectè sibi sen-
tit, nec tigres trepidat rabiosas;
Qui prauè, vel muscas metuit
præteruolitantes. *Quidquid ma-
li bonis accidit, suam consulant re-
titudinem, in bonum vertent.*
Iustitiæ compos progrediatur
Augustus, in terram prolapsus,
Teneo, dicet, *te Terra mater; &*
casum in felix victoriæ auspi-
cium

cium conuertet . In expiandis
 Otho Galbæ manibus, prauâ ma-
 gis mente,quàm tempestate per-
 territus, decidat,frustranei omen
 piaculi eliciet. *Nihil tam acer-
 bum est , in quo æquus animus sola-
 tium non inueniat . Conscientia
 mille testes. Cauc.*






*Bonum tandiū bonum est ,
quandiū facimus .*

XXXVII.

Sola vacillantem moderatur opinio Mundum .

Vel mala si placeant , optima semper erunt .




Proux



Prout aura.

XXXVIII.



Seneca.

*Omnes res laudantur, atque appetuntur;
prout earum rerum usus est.*

Ver-



Vertitur ad ventum fumus.

Mala cōsuetudo vetustas erro-
ris est. Dij boni, quid
hoc miseriæ, vel, vt veriùs di-
cam, stultitiæ se diffudit? Hodie
necesse est velle quod etiam no-
lis; quod enim vñs exigit non
omnibus potest desiderijs ac-
commodari, & tamen accom-
modetur necesse est. Maledicta
communis illa excusatio, *Sic mos*
iubet, supra arbitrium tyranni-
dem exercet. Haud ampliùs in-
agen;

agendo iudicatur an hoc honestum, an illud turpe. Dummodò vsus sic iubeat, facta lex est. Stat pro ratione consuetudo. Hæc Astrææ arma abstulit. Rectum viuere est vsui viuere. Iste porrò abusus ex hoc tantum prouenit, quòd *non secundum rationem, sed secundum exemplar uiuimus*. Rerum consuetudo nunc rebus dat esse. Aliquid vel damnosum appareat, vel utile, dum pro tali vsu approbetur, licèt per se tale non sit, fiet. Insaniam audi non minorem. Indumenta ipsa, quæ ad nostram incolumitatem aduersus temporum intemperiem tradita sunt, ad ipsius temperamenti incommoda

moda adhibentur. Victus, qui
 ut naturam sustentet, non ut ge-
 nium secundet, apponitur, nisi
 secundum usum condiatur, &
 comedatur, pro vili respuitur.
 Commmercium, quod ad animi
 conceditur hilaritatem, nisi im-
 modestè, ut mos est, exerceatur,
 morosum est. Quid hæc non
 inficit pestis? Vitio ipsi Virtutis
 imaginem præstat. Hodie pro
 Platonico Amor non habetur,
 qui purus; pro iusto fœnus, quod
 licitum; pro subtili Iurista, qui
 pro iniusto rudis est Mineræ.
 Quid plura? Veridicus non est
 ille Historicus, qui non amplifi-
 cat; perspicax ille Theosophus,
 qui dubias in campum quæstio-

nes non profert; illectus ille Scrip-
 ptor, qui, puncturis omissis, non
 ferit; Si causam petas; *Sic mos iu-*
bet, respondetur. Ad summum
 consuetudo est Circe in munda-
 ni æquoris viuens littore. Quod
 plùs delectat, magis exhumanat.
 Qui ratione illuminatus ab illius
 veneficijs procul non nauigat,
 facilè decipitur. Sed quid Cir-
 ce? Hoc in Oceano est VENT-
 US; FAX, Phariæ similis, Ho-
 mo; illius FUMUS, Genius. Il-
 la hunc semper ad illius flatum
 vertit; At si cauta non est, extin-
 guitur. Modi expers est ille.
 Quare si hic non regatur, & ipsa
 in fumum plerumque abit. Ca-
 ueant igitur ij, qui inuiolabiles
 con-

cōsuetudinum obseruatores nouitates sæpè speculantur. Caueant, inquam, ne sibi, id quod Alphonso Neapolitanæ Regionis Dominatori, eueniat. Ipse quoque splendidissimus, ne ullam sui seculi nouitatem prætermitteret, ad hoc redactus est, vt, quòd nimis Genio satisfecerit, tandem vnde Creditoribus satisfaceret non habuerit. Ex quo id documentum potest deduci, quòd Qui suæ paupertatis ream Consuetudinem accusat, propriam dementiam patefacit. At tamen his diebus hæc tantùm praxis probatur, quibus

. *Naturam protulit
usus,*

Ip-

Ipsaque non multò est natura potentior usu;

licèt quotidie exclamet Cordubensis

*Desinit esse remedio locus , ubi
quæ fuerant vitia mores sunt
O calamitates, o tempora, o Mo-
res !*



Prout



Prout aura.

XXXVIII.

C Vr Vsûs ventum sectamur, Mo-
ris & auram?
e ventum atq; auram quisquis vt ef-
se notet.



Or-

Ornando præcipitat.

XXXIX.



Iulius Valerianus Bonomius.

*Quia magnæ Regum, ac Principum sunt
micitiæ, maximas minitantur ruinas.*

Pul-



Pulcra vt plurimùm
nocua.

P Rincipibus placuisse Viris non
ultima laus est.

Ingentes sunt Arbores, quarum
ymbra hoc habet, vt omnes ad
sui receptaculum alliciat. Sed
non omnes æqualiter recreat.
Nec iure quidem immerito.
Lentè humilia crescunt Virgulta
altitudini Cupressorum subie-
cta. Humanæ ambitionis ardor
sub illa crescit. In sua magnitu-
dine Fraxini sunt Imperantes
O (quam-

(quamuis crebrò venena non possint auertere) ex quibus hastæ quidem componuntur, sed non quæ salubriter sanent, postquam gloriosè vulnerarunt. Væ illi, qui sub illis se recipiēdo tutum se credit. Nucis frondosæ instar se extollunt Magnates. Qui sub illis dulcè sperat dormire, toto corpore lassus discedit. Principum Plantis Sol est suus Genius, umbra voluntas. In suæ protectionis Oriente, faustas dilatant umbras; in Occidente, damnosas protrahunt. Qui minùs infelicitè sub illis vult degere, mentis ventos, quibus agitantur, necesse est secundet. Quò opinionum ramos flectunt, se flectere; quò

ver-

vertunt, se vertere. Sed quæ securitas haberi potest, mi Homo, sub Arbore, quæ pluribus ventorum flatibus, ac temporum vicibus subijcitur? Hanc propriæ ambitionis Auster quassat; alienæ inuidiæ Notus huc illuc impellit; proditionis Africus tuæ spei folijs expoliat. In hac insidiarum imbribus affectûs radices marcescunt; Malignitatis grandine, benevolentia germina eripiuntur; Politicæ rationis fulminibus fortiores dilectionis rami euelluntur. Inquietam quietem! Si porro fructûs cupido te inuaserit, aut acerbum cum verme, aut putridum delapsum, aut non omninò maturum obtinebis; Semper

verò tui periculo, per longæ seruitutis truncos reptando. Nec metuum meta hæc est. Omnium maximus timor accedit. Semper trepidandum, ne tot effracta varietatibus in tuas decadat ruinas. Princeps quippe ut refugij Planta, est obseruandus; ut altitudinis arbor, verendus; ut stipes imperij ramos extendens, timendus. In vanis huius HEDERAE (Magnatum imaginis) amplexibus ruentem effuge PARIETEM. Fauorabilis Regnantium Hedera quò sincerius stringat, eò damnosius (æmulationis culpâ) præcipitat. Nec solùm Lyfimachus è ramo Macedonis gratiæ prolapsus; sed & Seianus, qui

qui è fauorum Tiberij arboris
culmine deiectus, Tiberina suis,
suorumque lacrymis adauxit flu-
mina, edocebit, quòd, heu ni-
mis, inter lucidas Diademmatum
vmbras vel quoque nigran-
tes horrores mortis vagantur.
Hinc cautus Vatis præceptum
audi, & simul obedi.

*Vine tibi, & longè nomina ma-
gna fuge.*






Ornando præcipitat.

XXXIX.

V Mbra subinsequitur nigrans
quoque clarius Ostrum.
Nè, hóc , speres fumos clarificare
tuos.



Quà



Quà vincit, non quà vincitur.

XL.



Isagoras.

Amicitiam probat Potentia.

Ma-



Maiori periculo succurrendum.

Mortalium casus Fortuna
rotat.

Hodie Tiberius in solo, cras in
flumine. FORTVNAE qui credit,
mulieri credit. Fœminæ instar,
modò vni, modò alteri amantiū
fauet. Cùm ex numero fueris, vi
quadam frui sapias. Vt sit im-
mota pugnandum est. Amico-
rum cateruis vtendum. Illi, vel
si cesseris, animum pacando,
victorem te reddent. POTEN-

TES insequitur , ut vincat ; SAPIENTES fugit , ne vincatur. Hi verò æquæ compotes mentis nullo alio indigent Amico . Ægide Palladis defensi, Sortem cogunt lapidescere , & sic immotam stare . Penes eos tota est, qui totas illius vires (COMAM stringendo)comprehenderunt. Cum his Amicus si verus sit agnosci non potest . Si qui sunt , nunquam sibi dimicandum sciunt . Potentes innumeris muniuntur, at omnibus fraudulentis . Donec dubius in campo Mars est , cuncti pugnare volunt . Si parva victoriæ spes superfit , terga vertunt . His totus penè Orbis inficitur . Faciliùs autem, meo iudicio


cio, Amici, qui velint in duris de-
certare, apud Sapientes, quàm
apud Potentes reperiuntur. Illi
enim, qui suapte natura adiuuan-
te iam vincere sucti sunt, paucis-
simis consolantium verbis euin-
cent. At hi, qui animi carentes
bonis, diuitias tantùm amissas
deplorant, nō factis iterum locu-
pletentur, Solantium verba ode-
runt. Hi veræ Amicitiaë indices
esse possent; at nullum est aurum,
quòd probetur. Cum illis quod-
cunq; plumbum aurum videri
potest. Omnia naufragio amit-
tat Zeno, Fortuna, dicet, me iu-
bet expeditiùs philosophari. E-
xercitu, ac bonis priuetur Ma-
rius, Prænestina in vrbe nullam

solatio, nisi morte, inueniet viam.
 Cum his scutum induere Amicos oportet. Quò difficiliùs vincitur, eò gloriosiùs triumphatur. Nec in damnum tibi redundare, Amice, cogites. Fortior fies; sicque, cùm tempestas exegerit, & ipse vinctes; quandoquidem


Fortuna fortes metuit, ignavos premit.

Præterea sic quoq; firmum illius dictum non labili tuo honore confirmabis,

Amicus fidelis protectio fortis.



Qua



Quà vincit, non quà vincitur.

X L.

Sors Hominum varia est . Hinc contremit, inde timetur .

Quà vincit , non quà vincitur hostis eas.



In

In re modus.

XLI.



Boetius.

Optimus est in omnibus rebus modus, laudabilisq; mensura.

Vio-



Violentiâ inuertitur ordo.

C*Vm Minerua manum quo-*
que moue, Antiquorum
adagium est. Sapientis nunquam
fuit in quauis re vti violentiâ. Ne-
cesse est agenti, vt in actionibus
Modum adhibeat, ipsas consilijs
præcedere. In illarum enim fer-
uore penes ingenium non est se
recreare. Et si id faciat, vitatur
operatio, cum non melius suum
fortia:ur effectum, quàm cum
feruoris, & iudicij fauore adiuua-
tur

tur. Donec igitur repet calor, animum ad consilia conuoca, ne nimio accensus, confusè opere-
tur; tunc quippe consilium in ipso non supponitur. Violenti motus si non semper destruunt, semper debilitant. Qui arcus ultra terminum ab Artifice præscriptum excedit, quò dirigitur damnum non affert, sed damnum effert. Qui nimis furiosè ensis tractatur, non defendit, sed offensionē facilē reddit. Sine modo frustranea est omnis regula, si modò regula dici potest, quæ modo caret. Rectè operari est ipse operandi modus. Malè operari non est operari, sed potius non operari, nam operantis op-
pro-

probrio operationem destruit. Operatio verò ratione recta homines ab hominibus, nedum à brutis, distinguit; sapit enim diuinitatem. Regulatim igitur non operari, est peiorem brutis se reddere, cùm in illorum actionibus naturalis tantùm impulsus modi vicem gerat, & ideò deratione rationem reddere non tenentur. Quæ nimis vehementer ad actum reducitur potentia, & actum confundit, & se infirmat. Tentare ultra vires, est nihil tentare, dum impossibile tentatur. Velle absque laboris modo virtutem augere, est idem ac si vnda, quæ grauis est, velit ignem leuitate vincere. Dum ad Diui-

næ

nae mentis arcana se extollere, intellectus infirmitate, audet mortalis, idem est, ac si pigra testudo cum velocissimo lepore velit cursu decertare. Si absque rectis operibus (licet horum modus sit non modus) ad æternitatis portum peruenire humana speret præsumptio, idem est ac si cum aquila agilitate bos velit contendere. O mortalem dementiam! Scias quisquis es, quod audacia clauibus Coeli vndique priuatur; quod immortalitatis semita spinis cooperitur; & quod tandem *Qui te creauit sine te, saluare te non vult sine te.* Quæ omnia vt assequaris, condecienti modo vti oportet. Ita est. Modum in omnibus

nibus serua, & quæcunque aspera tibi occurrent, tenera experieris. Illius CLAVEM in Imperij petitione benè voluat Tarquinius Priscus, quamvis non Romanus, nec Regali è prole oriundus, ostia Senatorum cordium aperiet, vt ad Regnum introducatur. Nimis violenter illam rotet Tarquinius Superbus, Regio licèt sanguini coniunctus, Senatorum conciuis, inclusus excludetur. Ergo

Sit modus in rebus, sint recti denique fines;

quando quidem

. *Modus optima regula rerum.*



In re modus :

XLI.

VT referēs, Clauim moderatē ē
uoluere fas est.

Vi mota in motu nam mage firma
manet.



Per-



Permoue, flabit.

XLII.



Philo.

Detrahentem auversatur vir bonus.

Fol-



Folles Linguarum Aures.

Alium filere cum voles,
prius file.

Humanum genus est avidum nimis auricularum.

Morosos maledicentium mores
assiduò quisque hominum con-
queritur, cum tamen nemo ferè
sit, qui iam in usum eos non con-
uerterit. Aures, quæ illis faciles
præbentur, faciles euocant ser-
mones. Quod fastidimus secta-
mur. Molestiæ auctores nobis
su-


sumus. Quisque igitur Mortalium in hoc sibi met calamitatum minister, propriæ culpæ misereatur, lacrymosâ illâ Sulmonensis exclamatione,

*Heu patior telis vulnera facta
meis!*

Ventum FLABRO nè inspires, ventum non spirabit. Escam flammis eripias, escam voraces non rapient. Eorum ludibrium fimus, quos illudere nescimus. Si non defunt Auditores, neque Detractores. Alienis insurgunt vitijs clam insultantes, ut propria palam contegant. Quid credis, Imprudens, qui auscultando illos foues? Ignoscant tuis? Si Aristide infontior viueres, non euaderes.

deres . Quod de alijs tecum ,
cum alijs de te dicunt . Nun-
quam desistunt genuino mor-
dere . Cùm eos libenter audias ,
spontè sinu serpentem foues .
Cum illis aut taceas , aut loquēdo
suam ipsis perfidiam patefacias .
Nihil demens Mortalium turba
tam odimus , quàm vt errores
nostri nobis reuellentur . Ita si
feceris , aut in arena semen infru-
ctuosum iactare , aut saltem in-
damnosas sibi messes emergere
cognoscent . Tunc vel omninò
obmutescant , vel opprobriosam
parciùs linguam enodabunt .
Cùm te ex Auscultantium nu-
mero exemeris , minorem illis
criminum occasionem præsta-
bis ,

bis, & te ab execrabili eorum
garrulitate exsolues. Exemplum
Pinarij sequere. Hic interroga-
tus à Seruilio (qui contrà eum
orare volebat) num sibi, vt cæte-
ris, maledixisset, respondit. Vt
sementem feceris, ita & metes.
Quod cùm audisset Seruilius, &
se maledicendo, malè auditum
iri penetrasset, ab incepta penè
oratione destituit. Aduersarium
Maledicentibus animum osten-
das, obmutescant; *Immodicus*
enim dicendi modus non penes lo-
quentem, sed penes audientem est;
ac Detrectatio, vt percunctando
excitatur, sic auscultando nutritur.



Permoue, flabit.

XLII.

D Vm mala lingua crepat, propriam tu comprime. Nosces
Frænata[m] linguæ conticuisse tuæ.



Ab externo fulgore suspice.

XLIII.



Cicero.

Habet adulatio principia iucundissima; eadem exitus amarissimos habet.

Priz-



Prudens qui apparentijs
non credit.

IN omnibus ferè habet vene-
num suum blanda oratio. O
pietas! Quò seculi peruénit im-
pia falsitas! Hodie de quo mi-
nùs suspicimus , magis est suspi-
ciendum . Nusquam tuta fides .
Risus lacrymarum est filius . Flo-
rescenti in quouis discursu

. *latet anguis in herba .*
Tunc magis malè dicitur , cùm
benè dicitur . Vituperio laus ser-
uit . Id veritatis testatur . Magi-

ster Redemptor . Vnius commendationis gloria initium fuit opprobrij . Dicere, *Facit signa magna in populo* , fuit ad Crucem exposcere . Quisq; plausus ex oculi intuitu proueniens legitima cordis non est proles . Distantia, quæ cor inter , & arcum cilij intercipitur, illud huius fundamentum non præsupponit . Aliquando (hei mihi!) hoc pro triumphali Amoris arcu habetur , & Odij sagittis inseruit . Totus fictio est Mundus . Adulatio ferculum est omnibus palatis apparenter suaue , at essentialiter virosum . Serenitati vultus credere , est lacrymarum imbribus se exponere . Disce hinc, Mortalis, men-

mendacij Notum iam noscere.
 Faciei iucunditas mærores faci-
 liùs producit. Fel hominis non
 nisi delicatos propè artus consi-
 stit. Interdum qui honoris vi-
 dentur feruores, vindictæ sunt
 furores; Quæ fumi oblationes,
 famæ ablationes; quæ humani-
 tatis obsequia, feritatis exequiæ.
 Quid plura? Quæ sortis depre-
 cationes, mortis imprecationes.
*Nullæ sunt damnosiores insidiæ,
 quam hæ, quæ latent in simulatione
 officij, aut in aliquo necessitudinis
 nomine. Nam eum, qui palam est
 aduersarius, facile cauendo vitare
 potes. Troianus equus ideò se fel-
 lit, quia formam Mineræ menti-
 tus est. Vulpe ipsa callidior fuit*

qui adagium, *Cum Vulpe habens commercium, dolos caue*, inuênit. Infelix Orbis, infidiatorum fictionibus credendo, tibi met infidiator! *Nemini fidas, nisi cum quo prius modium salis absumpseris*. Est valdè sibi amicum esse eum odio habere,

. *qui semper, & omni Nocte, dieque potest alienum sumere vultum.*

Putasne illas (exempli normâ) in epistolis superlatiuas manûs subscriptiones munus mentis agere? Falleris. Quò melioris sunt atramenti, eò minorem indicant candorem animi. Pennæ leuitas, è qua proueniunt, nihil subsistentis habere monstrât.


Pagina, quæ mille modis plicatur, eas denotat millenis inuolui tegminibus. Characterum ambages labyrinthos præmonent continere. Nî caueris, illaqueabere. Perfidia Minotaurus ibi absconditur. Et, quod peius est, non tam facilè Ariadnes reperiuntur. Potiùs sanè Fl. Fimbriæ inuenientur, quæ innocentium Flaccorum vitæ recidant fila. Maxima igitur est humanitatis miseria, si non modò auxiliantibus caret, sed nocentibus abundat, & nocentibus, qui quò suauiores adhibent formas, eò damnosiores producant effectus. Quot legimus, qui inimicorum insidijs inter D A P V M mollities

VIPEREOS rigores comperire? Testemini vos, Macedo, Luculle, Claudii, Diocletiane, ac innumeri alij, aureæ quorum in Mensis nitentes Patinæ postquam pro urnis, è quibus funestam vobis sortem hostilis eliceret manus, deseruere, in sepulcra se transformarunt. Quid queris, mi Homo? Quæ magis sunt vitalia mortalia sæpè facta sunt. Neronis Cossimum, ac Conradum Imperatorem consule. Ex illis scies Catapotia eadem auro inuoluta in mortis ferrum posse transuerti. Adeò verum est Saccharum quoque toxicum occulere. His temporibus si alicubi securitas, nullibi incolumitas.

Qui

*Qui cauet ne decipiatur, vix ca-
uet, cùm etiam cauet.*






Ab externo fulgore suspice.

XLIII.

C Rebrò atra forma intùs, semper
quæ extrà emicat. Aureæ
Sæpè nitore tegunt nîgra venena Da-
pes.



Tur.



Turpis ex fletu risus.

XLIIII.



Daniel :

Malo alieno gaudere malum pessimum.

Ouan-



Ouando malis parantur
mala.

O *Infandos quorum voluptas
est alienus dolor! Alienis
luctibus gaudere, ac gaudijs lu-
gere scelus scelerum est. Ipso-
rum quoque Crocodilorum cru-
delitas, eorum, quos occidit, la-
crymis nequit non collacrymari.
Eâdem cretâ à diuino omnes Fi-
gulo coagulati. Inuicem ijsdem
affectibus signandi quoque esse-
mus. Aliorum lacrymis molles
reddi deberemus; at malignitatis
antiparistasi magis induramur.*
Imò

Imò Proximi ruinis gaudio exardenti illas exsiccamus . Quid tot nobis profunt traditæ à Deo potentia , nisi ad actum Virtutis reducantur ? Quæ verò maior est Virtus , quàm aliorum miseras miserelcere ? Maxima est , tùm quia actus pietatis ; tùm quia ijsdem casibus natos esse nos prenoscimus . Vita diuinæ prouidentiaë musicus chorus est , homines cantores , Deus ipse moderator . Signo modò alto , modò medio , modò imo , nunc extollere , nunc suspendere , nunc declinare affectuum voces nos admonet . Letari nempe cum lætantibus , subleuari cum se subleuantibus , flere cum flentibus . Quin ,
& ipse

& ipse plerunque concinit, *Diligetis vos invicem, sicut ego vos dilexi.* O beatum melos! O dulcem sonitum! O vitalis vocem Sirenis! Sed o quot decepti Vlysses aures sibi obturant, hanc harmoniam non intelligunt, ac tales voces effugiunt! Effugiunt, inquam, aut nescientes multum leuaminis, quod possent gementi afferre, aut tam malitiosi, ut, quamuis scientes, in alienis solaminibus propria negligant beneficia. Non enim tantum alijs præsidij, quantum sibi utilitatis exhibet qui ærumnosas aliorum procellas suorum Zephyris suspiriorum scit sedare. Vis tibi ante oculos ponā totius FAMILIO-

LAE iubilationem? Illam in
SVIS excidijs inspice. Hoc in-
specto, cerne etiam quos fructus
ex alienis luctibus ridendo retu-
lerint Mezentij, ac Phalarides,
qui non nisi feritatis monstra se
ostenderunt, dum in Taurinis,
alijsq; ferinis molibus, tormento-
rum basibus, suas fundarunt de-
lectationes. E' contrà verò eru-
besce, Christicola, in admiranda
Alexandri, ac Cæsaris, quamuis
Gentilium, pietate, quorum ille
transfixum Darium, hic decolla-
tum Pompeium, vtrunque atro-
cissimum hostem, non potuit
non deplorare. Tandem disce

*Flendum in malo alterius parvo
magis, quàm in proprio magno.*

Tur-



Turpis ex fletu risus .

XLIIII.


” **D**isce tuas lacrymas lacrymis
miscere sodalis .
Flens flenti non flet, ridet at ipse sibi.



Et

Et benè, & malè parta .

XLV.



Palingenius.

..... Meritam Fortuna frequenter
Inferi pauperiem rebus fallaciter auctis.

Se



Se fraudat Fraus .

F *Elix cui satis est quod satis est;*
Sic porò quem beatum
enumeres ? Non pauci pun-
genti diuitiarum appetitu lancina-
mur . Tam diri vlceris anxietate
acti deliramus . Ecquis proprio
vt vulneri medeatur, aliena non
multiplicet ? Ecquis non paucas
sui primi sanguinis uncias effun-
dat, vt innumeras alterius secun-
di libras ad se extrahat ? Sed quid
tantùm de extrauenali conque-
ror ? Nonne quotidie hic illi
/nec

(nec Chirurgus est) viam aperit, vt iniquæ cupidines inebrientur? O execrandam sitim, o infanda pocula, simulq; o inauditam infaniam! Igni ignis superadditur. En inde, mi Homo, tanti ardoris quales effectus. Cor auri ardor consumit; ardoris fumus mentem obcæcat. Hinc, vt cæci, absque mentis lumine operamur, ac in IGNIS foueam tandem incidimus. Aliorum ruinis nostras felicitates substruere opinamur, at nostris opibus sulphurea cunicula supponimus, nam cum malè parto, & benè partum malè disperit. De hoc te satis moneant lacrymabilis istius OFFICINAE incendia.

FRAVS

FRAYS FOLLIS est igni ventum inspirans. Quæ ex immenso pecuniæ ardore producuntur, in fumum dissolui necesse est.

De malè quæsitis non gaudet tertius hæres.


Tu igitur benè sanus diuitem Curtij paupertatem consule, qui iniusto Samnitium auri fulgore suæ iubar gloriæ imminuere recusans, ne fœnus sui honoris funus fieret prudenter curauit. Nec non memento Agelilaum purissimum ignem iactasse, qui impura fœnerantium lucra combureret. Tandem cito, quòd *quæstus turpis thesaurus grauis est*; quòdque sicuti malorum societas plerunque bonos

perdit , ita etiam semper cum
iniustè acquisitis vel iustè acqui-
sita iustissimè dilabuntur. Cau-
tè igitur, qualis qualis sis, cumu-
la, ne res, & auctorem perdas;
nam

*Iniquæ nunquam diuitiæ perpe-
tuò manent.*




Et



Et benè, & malè parta.

X L V .

EXcidio vt careas, nè cures æris
aceruos;
In se nam tandem Sors grauis ipsa
ruit .




Q

V n a

Vna duce.

XLVI.



Io: Barchlaius.

*Temerè affirmare de altero periculosum est,
propter occultas hominum voluntates.*

Vul-



Vulgum sequi ruere est.

Q Vi citò crediderit, falletur
sæpè, levisque
Est cordis,

veritatem in nomine gestabat
qui protulit Verinus. Nihil nisi
quod in oculos incurrit, manife-
stumq; erit, crede.

Calumnijs quisquis fidem præbet
citò,

Aut ipse mente, moribusque est
improbis,

Aut mente eâdem cassus, & pror-
sus puer.

Quæ semper mala credit Ον̃ς ὁ
δ' αὐτὸς ν̃ν ἔχων ἔ τογχα̃ναι. Cru-
delitas est cogitare quantum
pretij credulitas hodie acquisie-
rit. O quoties quod nunquam
verisimile fuit vero existimatio-
nem adimit, ac veritas ipsa cum
falsitate comparata nedum pro
verisimili habetur. Hodierna
prauitas cuiusuis stellæ radijs ve-
la credulitatis extollit, ac ideò sæ-
pè sibi naufragium parat. E
qualibet lutra pistricem facit, sic
non immeritò semet plerunque
deglutit. Audite, o nimium cre-
duli. *Prudens nunquam decipi-
tur, cùm parum, incautus ferè sem-
per, cùm nimis credat.* Omni ho-
spitio morari, est se quibuscun-
que

que latrocinij exponere. Hospitium omnibus dare, est velle latronibus se prædam exhibere. Quid non mali credulitas facit? Dum maledictum illius semen (licet nullum esse deberet, cum nec pene ullus sit flos veritatis) in hominis terreno radices firmat, acerrimas lappas, ac tribulos parit. Quæ ex Nano apta est Gigantem facere, sic Cælo hostes multiplicans, non nisi inimica illi esse potest. Id faciens, dum infirmam rationalem ostendit potentiam, parùm à brutis finit differre. Facile credere non est credere, sed credibili iniuriam facere. Est quippe se exponere periculo incredibile credendi.

Vt verum credere disceretur, mentiri dediscere oporteret. Sed hoc damnum est, quòd ex opposito Gentes operantur. Qui vult, vt credendum, credere, & ex bono, & ex malo homini, vt homo, parùm credat. Ex bono quidem, nam minimo laborat; ex malo, ne malitiosum se ostendar. Nî fortassis dicendum foret, quòd ex hoc multum sit credendum, vt parùm credatur, respectu maximi ad quod peruênit. O gemitu dignam calamitatem! Credulitatis pestis sic virus diffudit, vt illo omnium infecti sint cœtus. Ad quod appositè Sapiens. *Et publicè & priuatè Maledicentibus creditur.* Et


ma-

malorum malum est, quòd malo tātūm fides præstatur. Alterius famæ infamis detrahat lingua, pro nefario statim digito ostenditur. Pro impuro taxetur hilaris obtutus, scortum in lupanariis prostat. Pro reo innocens vociferetur, crucifigatur, exclamant. Ab æmulo pro decoctore obmurmuretur fœenerator, viridi statim pileo damnatur. Eruditus liuido dente Liber lace- retur, illicò, *Ad alec*, rescriptum sonat. Heu vitiosam credulitatem, quæ, P E C V D V M instar, præiudiciosè *Vna duce* in alterius sententiam ruis ! Mala de alijs credere parvæ scientiæ, ac praviæ conscientię certum est indicium.

Hoc venenum verò, cùm solùm particulariter offendat, dissimulabile fieret, si non tolerabile, nî ad commune damnum Aulas quoque penetrasset. Oporteret, *ut in illis vel Reges philosopharentur, vel Philosophi regnarent.* Nimiùm theoritices in falsi iudicio indigent qui, cùm Magni sint, veritatis praxi omninò ferè carent. Credulitas ad aures Principis Cantatrix est, quæ tantùm Tragœdias repræsentat. Aures illi claudat oportet qui non vult sanguini venas aperire. Qui id non fecerit, occasionem Mundo exclamandi, *Magna credulitas in Principe facta est magna crudelitas,* præstabit. Talem præbuit ille

ille Anglorum Princeps, qui suam propter credulitatem, adiutum Delatoribus non obtruncans, innumera innocentium Procerum capita obtruncauit. Non sic Alexandri prudentia, qui per litteras monitus ut à Philippi medici veneno caueret, pro leuitate non minùs admonitionem, quàm chartam ipsam contempsit. Ex musca statim Elephantem facere damnosum semper fuit; nam

Omnia subita probantur incauta;



Qs

Vnā



Vna duce.

XLVI.

IN se iudicium, qui iudicat omnia,
profert.

Hinc, ad credendum præcipitando,
perit.



Cau.

Caula, non Aula.

XLVII.



Horatius.

*Beatus ille, qui proci negotijs
 Paterna rura Bobus exercet suis,
 Forumque vitat, & superba Cinium
 Potentiorum limina.*

Non



Non seruit qui imperat,
nec imperat qui seruit.

S Tet quicumque volet potens
Aulæ culminæ lubrico;
Me dulcis saturet quies;
Obscuro positus loco
Leni perfruar otio,
cur dixerit Seneca optimè nouit,
qui captiuam Aulicorum liber-
tatem, ac liberam Rusticorum
captiuitatem minimè ignorabat.
Non obscurum fuit clarissimo il-
li Ingenio, dum
Obscuro positus loco

pro-

protulit, quòd minor fumus in angusto præsepio, quàm in vasta Regia, oculos captando, seruos reddit; quòd ille veram designat, hic solùm adumbrat felicitatem; & quòd illius fumofitas tantùm è palpebris; istius verò & ex oculis, & ex cordis fibris lacrymas elicit. Edocuit, quòd vbi Aula ærumnarum est equor, Rus agitationum est portus; nam tutiùs à calumniarum nimbis defendit laneorum crassities cucullionum, quàm sericarum subtilitas chlamydam; Tutiùs, quàm in marmoreis Arcibus, in vimineis viuitur casis, quippe quæ nunquam liuore, aut perfidiâ atrocissimis Hominum hostibus

stibus prosteruntur ; ac tutius
 lactearum candor dapum,quàm
 exquisitorum suavis nigredo e-
 pularum gustatur ; illæ enim co-
 lore præbentis indicant purita-
 tem ; hæ condimentis veneno-
 rum plerunq; obtegunt turbatio-
 nem . Ostendit sapientissimus
 ille Vir Agricolis in herba sem-
 per spes esse ; Aulicis autem inter
 malorum tribulos parùm cresce-
 re ; illis iucundo in gramine , istis
 funestas propè cupressus . Asse-
 ruit maiorem esse diuitiam diui-
 tias contemnere ; Rustici liberta-
 tem commercij rusticitatis ipsius
 rigorem demulcere ; & æstima-
 biliolem esse aureis poculis liqui-
 di claritatem argenti ; hoc nan-
 que

que interdum prodigiosè in aurum solidatur, ut auari proditionum auctores in suis pereant criminibus. Quid tandem diuinis suis verbis, hac de re, nos non monuit? Oculis mentis, suâ forsan praxi, subiecit, Rusticos Pastores suas oues tondere, Reges verò greges deglubere; Ostri magis fulgores, quàm Coeli fulgura terrere; ac inter Ruris amœnitates vnum tantummodo ostium clausum peiorem esse carcerem; at Aulæ inter fallacias centum apertas ianuas mille carceres ad venarum sectionem claudere. Clarificauit illic tantum amoris, hîc odij rixas exerceri; illic ingenia canoris rimis sua-


suaue affligendo, hinc curarum
 limis atrociter animos destru-
 gendo. Illic maiorem Princi-
 pem, qui possit minari, Austri
 impetu esse Pinum; ac si cadat à
 gelu exardentibus lignis repara-
 re; Hinc verò Reges vna tantum
 Cilij declinatione totos alienæ
 iræ ardores in subditos concita-
 re. Ac demum (vt hinc cernis)
 qui imperare videtur seruitij
 LVGV M cogi sustinere; Qui ve-
 rò alijs seruire creditur, alijs LV-
 GVM imponere. O igitur misē-
 ricors Cordubensis Calame,
 quantum tibi tenetur humani-
 tas! Tu paucis Versiculis infini-
 tas calamitates effugere inte-
 grum Orbem docuisti. Docuisti
 (quod


(quod & Musonius asseruit, My-
sonem, & Aglaum felices vocans
ruri agentes) quod *Rus* non est
Crux, vr illius sententiâ, sed ser-
uitij adimit crucem; at bene
quòd Aulâ ala libertatis impedi-
tur, dum scriptum reliquisti;

*Non alia magis est libera, & vi-
tio carens,*

*Ritusque melius vita, quæ priscos
colat,*

*Quàm quæ, relictis Mœnibus,
Sylvas amat.*






Caula, non Aula.


XLVII.

„ **A** Vla vale, mihi Caula placet.
Procul este Potentūm
Ostra, magis rutilat Ruris apricus
honos.



Si non bona, nec beneuolentia.

XLVIII.



Petronius Arbiter.

Cum Fortuna manet, vultum seruatis A-
mici;

Cum cecidit, turpi vertitis ora fuga.

Ami-



Amicos secundæ res pa-
rant.

N*Vlla fides unquam mise-
ros elegit Amicos.*

Quàm misera sit Mortalium fe-
licitas, ex hoc disce. Secunda,
aut aduersa sit Fortuna, semper
damnosas efficit Amicitias. Si
prospera; habes semper tinea, ac
hirudines. Harum piscator pin-
guior prædaciore est; illarum pan-
nus nobilior feracior est. Si in-
fausta, cadauer, & domus labans
es. Illud pediculi ipsi, & puli-
ces

ces respuunt; hanc mures, & vespertiliones quoque effugiunt. Idque eò lacrymabilius, quòd ex naturæ instinctu prouenit; vnde meritò ille

. *Semper o sortem asperam*

Cùm parcit, & cùm sæuit ex æquo malam!

Testis sit hæc inanis POPINA. Deest in tabulis nidor, fugiunt MYSCAE; nulla est succidia, abeunt FELLES; OLA non feruet, nec AMICI amore feruescunt. *Aduersa cui Sors huic Amici sunt procul.* O corruptas Amicitiae leges! Anne id Amicum esse vocabitur? Amicitiam abolere potius dicatur. *In incertis*
cer-

certus discernitur Amicus. Non igitur talis est, qui in aduersis procul degit. Ad hoc peruénit Ætatis deformitas, ut nullum Interesse reperiatur, quod Amicitie habitu personam non induat. Optamus quidem Amico bona; sed ut tantum etiam ipsi in illis partem feramus. Et id comprobatur, quòd *Si non bona, nec beneuolentia.* Hoc autem non Amico, sed nobis desiderare est. Multos pariter videbis verborum prodigos, factorum indigos. Offerunt millies sanguinem ipsum; at si vna occasiuncula postulauerit, cadauera sunt.


Οὐδ' εἰς ἐρασῆς ὄσισκεν αἰεὶ φίλῃ.

I nunc quere Damonem, aut Nisum;

lum; & si inueneris, portentum
 existima; albo signa lapillo. Non
 paucos quidem reperies Pericles,
 qui cùm se tuo ditauerint (c
 crudelitatem!) te Anaxagoram
 inedia pereuntem sustinebunt.
 Tu igitur vllius fronti nè credas
 & meis vocibus aurem præsta.

Crescat, & decrescat egestas, cre-
scent, & decrescant Amici.
 Expertus loquor.






*Si non bona, nec beneuo-
lencia.*

XLVIII.

AVrum animos hilarans verus
credatur Amicus.
Lydius est illi Sors inimica lapis.




R

Sem-

Semper Vermes.

XLIX.



Nanquerius.

*Quid iuvat, o Homines, tanto turgesce
fastu?*

Nostrane de limo terræ processit origo?

For-



Fortuna non mutat
genus.

R *Elinque ambitum. Timen-*
da res est; vana, ventosa,
& nullum habens terminum, ait
ille. O miseri! Quid nos, doctri-
na, fama? Ipsi pulvis, illa opinio,
ista ventus. Nos maximo men-
tem inuoluti fumo, corpus quo-
que maximo inuoluimus fumo.
Auro sarcinati fulgere credimus,
& magis obtenebramur. Id no-
bis vtile censemus, cùm vel vi-
uentes pretiosè sepeliamur. Nec


Vestēs profectò illo rigidæ placidam possunt quietem permittere. Quò plùs enim aureis distantur lamnulis, magis pungunt. Et quò onerosiores, grauiiores. Hęc est humanę calamitatis speciosa calamitas, vt quæ proficua sibi putat, damnosa sentiat. Tanta est tamen his diebus ambitûs dignitas, vt qui nescit superbire, nesciat viuere. Vt fastûs efferantur, labores feruntur. Ipsi quoque Artifices cùm parum pecuniæ acquisierint, ad ornamentum statim disponunt. Totis feriis libenter exsudatur, dummodo festis splendidè incedatur. Gazarum fulgore natalium tenebras occulere quæritur; sed ful-

man-

mantis fastigij nigredine multiplicantur. Innumeri sunt, qui Hunni præuertentes felicitatem *Omnia sua secum portant*, cum domi nihil habeant. Attamen licet extrà felices videantur, *Τὰ τ' ἰδὼν εἰσι, τὰ τε θύραζε δυσυχεῖς.* Quod nunquam fuerunt ab alijs iudicari desiderant. Ignorant profectò isti quòd velle esse quod non sunt, est velle impossibile, & consequenter velle destructione periclitari. Beatos se extrà videri volunt, quãuis intrà beatum esse consistat. B O M B I C E S, licet sericis inclusi orbibus, *Semper Vermes* sunt, nec putridam naturam deponunt. Errorem iam noscite miseri. Vestrae

statum conditionis nè curetis ex-
superare. Pennas nido maiores
extendere, est implacidam somni
placiditatem perquirere. Qui sua
sorte, non qui aliena opinione
contentus viuit, beatissimus in-
cedit. Lacerâ indutus tunicâ a-
gros colat Pompilius, regalem
meritò Muricem accipiet. Iouis
habitu induatur Salmoneus, il-
lius fulmina non euitabit. Am-
bitio sui tormentum semper fuit.
*Sequitur superbos ultor à tergo
Deus.*





Semper Vermes.

XLIX.

SIt procul Ambitio fumans. Fu-
masse quid affert?

Heu nimium miseri fumus, & aura
fumus.



R 4

A mi-

A minimis interdum maxima.

L.



Catzius.

*Omnia humana ludicra, & lubrica sunt.
Ideò ex ludis etiam seria fas est præomi-
nari.*

Puc.



Pueri nè tempferis
annos.

S*V*premae manus iocus est Or-
bis. Illo, ludicrà tanquam
pilâ, utitur Fortuna. Dum in aë-
ra iactatur, quidquid continet
subuertit. Qui modò in summo,
nunc in imo; & qui modò in
imo, nunc in summo.

*Nullus ubique potest felici lude-
re dextrâ.*

Hodie Polypercon in vitupe-
rio, cras in imperio. Hodie Poly-
crates in imperio, cras in vitupe-

R 5

rio

rio. O vehementes mundani
follis saltus, & lapsus! Ecquista-
men vos regit, nisi Fœmina abs-
que rationis vſu cęcutiens? Ne-
mo igitur neget inconsideratos
etiam hominum lusus altarum
rerum potentia eſſe præſagia.
Imò quò minùs ratione regun-
tur, maiorum ominum indicia
cenſeantur. Puerilis quoque in-
nocentia non parui momenti eſt
Virtus. Dum circum puriora,
ac ſimpliciora verſatur, nobilior
ſcientia eſt; ac vt talis, quo in ſu-
biecto eſt, quamvis ſine cauſa-
rum cognitione, illius quod fu-
turum eſt præcognitionem, ſi
non diſtinctè, ſaltem confuſè in-
dicat. Ex pueri inclinatione,
quod

quod iter suscepturus sit facile
 præuidetur; Anima enim ratio-
 nalis, quæ, vt diuinitatis parti-
 ceps, rerum præscia est, prodi-
 giosè illum flectit ad semitam,
 quam postea ratione ductum
 profecuturum præcognoscit. Sic
 illud verificatur; *Protinus apparet
 quæ plantæ futuræ sint frugiferae.*
 Nec omninò inutilis iudicetur
 horum nugantium PVERORVM
 repræsentatio, qui ioculatoriè
 maiestatem, & seruitutem sibi
 alternant. Id factum est, pru-
 dens Lector, ne res in mundo
 quales videntur credas, nam si
 semper veritas apparentiæ, appa-
 rentia tamen veritati plerunque
 præualuit. Quot legimus, qui-


bus puerilis arundo in Sceptrum
conuersa est? Quot alijs grami-
neæ coronæ gemmantia dia-
demmata germinarunt? Quotq;
breues tunicas in longas chla-
mydes transmutarunt? Cyrus,
ac Romulus in lusu à pueris Re-
ges creati sa is luculenti testes ef-
se poterunt. Quot verò è contra
palatia in tuguria, populos in
greges, & aulas in caulas permu-
tauerint, quod etiam infantiles
gesticulationes illis præfagierunt,
consultò prætereo. Solùm hoc
moneo, quòd *Omnia humana
ludicra sunt.*



*A minimis interdum
maxima.*

L.


”**L** Vdit in humanis diuina poten-
tia rebus;
Hinc Puerum lusus grandia sæpè no-
tant.



Es-

Fabulam distinguit exitus.

LI.



Plautus.

Nihil est homini perpetuum bonum.

Finis



Finis coronat opus.

A *Eternum mortale nihil.*
 Transitorium THEA-
 TRVM est Mundus. Nil firminus
 in se retinet, quàm assiduè scenas
 præcipitanter euoluere. Neque
 pulcrius quidquam in eo conspi-
 citur. Et quæ tantùm cernitur,
*Heu mihi quàm levis est, &
 quàm brevis illa voluptas!*
 Histriones sumus miseri Homi-
 nes. Quisque nostrum diuersam
 induit personam. Sed o solùm
 felix qui dignè gradum, quem
 fin.

fingit, repræsentat! Satis videmus
vnumquemque proprium lo-
cum occupare, sed non satis lu-
gemus ferè nullum personam
actibus decenter comitari. Qui
opulentum, qui pauperem, qui
nobilem, qui abiectum, qui sub-
ditum, qui regnantem, qui indo-
ctum, qui sapientem, non pauci
quæ infingunt, impropriè effin-
gunt. Ah si vltimum ante actum
semel tempestiua habituum fie-
ret commutatio, qualis ordinata
esset confusio! At inuicem sole-
mur. Qualis, ac vtcunque sit, bre-
ui durat repræsentatio. Quàm
valdè prouidus fuit diuinus ille
Tragico mœdiæ istius, quæ *Mor-
talis* inscribitur *Miseria*, ac Thea-
tri

tri, quod *Orbis* dicitur, Con-
 structor ! Rotundum id fecit, vt
 omnia ad nihil pristinum reuer-
 tenda ostenderet; pinxit, vt cun-
 cta apparentia dignoscerentur;
 Palatia, ac calas se intùs mutuò
 inspicientes erexit, vt nihil oculum
 diu stare patefaceret. Variâ
 cogitationum architecturâ, cu-
 piditatum viridarijs, & homi-
 num statuis decorauit. Ac ne
 cecè vagarentur Spectatores,
 duorum Lychnis Luminarium
 illustrauit. In fabulæ verò com-
 positione, in hac maximam suæ
 admirabilis sapientiæ partem
 collocauit. Hanc omni perfe-
 ctione insigniuit, licèt multis ap-
 tam ex oculis nimbos elicere

Plcia-

Pleiadem euadere videamus. Si-
pario demisso, vt Cunnæ expone-
rentur constituit; in primo sce-
narum volutatu Labyrinthos ef-
finxit; in vltimo Sepulcra ordina-
uit. Prologum Fletui commisit.
Priores actiones Querimonijs,
Lacrymis, ac Vagitibus; Amori,
Fortunæ, Honori medias; Mor-
bo, Spei, ac Tremori extremas
præscripsit. Vt suis ornaretur
Choris, dulcioribus Alitum vo-
cibus suauificauit. Neue inter-
mediorum deficerent blandi-
menta, varijs Animalium specta-
culis recreauit. Tandem, ne in-
fictionem fabula terminaret, tra-
gicum Suspirium toti finem im-
ponere stabiliiuit. Nunc igitur
tantæ

tantæ repræsentationis spectato-
rem te facias, Mortalis; & disces
quòd

*Aeterno mixtum luctu mortali-
bus æuum*

*Olim constituit diuum pater, atq;
hominum rex.*

Et dum tempus patitur, fac vt,
pro viribus, Nerij, Loiolæ, Fran-
cisci Xauerij, ac Iohannis-boni
Bonomij (beato è cuius Stipite
me indignum, atque aridum ra-
mum pullulasse erubescō) actio-
nes ediscas, qui amariores euen-
tus in dulciora gaudia posse con-
uerti hoc in Theatro futura secu-
la edocuerunt. Mi Homo, ex Fa-
bula hoc verum trahas. *Tu sur-
ge, tu cades; tu impera, tu serui; tu
occul-*

*occultare, tu emerge; longæuum ali-
quid in hac Machina, nihil eter-
num. Tandem (& cum hoc ad
Portum silentij mea prior hæc
appellit Nauigatio)*

*Humana cuncta fumus, umbra,
vanitas,*

*Et Scenæ imago, & , verbo ut
absoluam, nihil.*





Fabulam distinguit exitus.

» **E**Xitus acta probat. Mundi nè
crede Theatro:
Infaufti hi faftus deniq; fumus erunt.

F I N I S.

Πόνος εὐκλείας πατήρ.



CATHOLICAE

MENTIS PROFESSIO,

A D

LECTOREM.

M*erito, ac Virtuti, Candide Lector, debita semper obsequia in suis Scriptis se contulisse Auctor declarat. Ideò si aliquantisper interdum queri videretur, in genere, nullo prorsus individualiter tacto, Vitiorum sectatores, ac Virtutum persecutores redarguere intendit. Quoad Prin-*
cipes,

cipes, de Fidelibus, ut boni
 bona; de Gentilibus verò, ut
 mali, mala se manifestat edi-
 disse. Pariter si aliquo in
 vocabulo, aut sensu à Chri-
 stiana Fide (quod neque pe-
 nitus cogitavit) aberrare cen-
 seretur, te exorat, ut omnia
 sua iuxta Orthodoxæ Reli-
 gionis leges interpreteris;
 Melior quippe Christi cul-
 tor, quam Emblematum
 Scriptor haberi desiderat.
 Grato interim animo quales-
 cunq; hos labores intueri, &
 sic non solum secundæ aditi-
 ſionis Nauigationi recludes; sed

398
quoq; ad Opus inscriptum,

**MONARCHIA
APOLLINIS,
EXTENSA**

I N

**Cyprim, Romam, Cordubam
Palæstinam, & Athenas,**

P E R


*Amantium, Heroum, Sapientium
Sanctorum, ac Diuersorum
Iconas enitescens,*

*Typis committendum, ac pa-
riter ut ab ipso (nec fortas-
sis multum post temporis
DE-*

DEMOCRITI HERACLITIQ; M O R A L E S

RISVS, ET FLETVS

(opera, exceptis imaginibus, iam completa) in lucem emittantur, Auctorem devincies. Omnium pater tempus. Στέργε τῆς παροῦσι. Vale.




Posteriores cogitationes
sapientiores.

S AD



A D
E V N D E M.

Hoc iter ex multis primum est.
 NAVARCHVS adibit,
 Situas, Euruserit, LECTOR amice,
 fauor.



399

NAVARCHI

ARGONAVTÆ.

A

A Adrianus VI. Pontifex.
Æsopus.
Alciatus.
Aldrouandus Bonon.
Alexander Simoneta è Soc. Iesu.
Amianus.
Andreas Marianus Bonon.
Andreas Taurellus.
Angelicus Aprosius.
Angelus Grillus Abb. Casin.
Apuleius.
Aristoteles.
D. Augustinus.

B

B Eda.
Berlingerus Gypsius Sen. Bon.
D. Bernardus.
Bernardus Morandus.

Bion.

Bocchius Bonon.

Boetius.

Borbonius.

Boterus.

Byllius.

C

C Amerarius.

Cappacius.

Carcinus.

Carolus Ant. Co. Manzinus Bonon.

Cassiodorus.

Casterius.

Catullus.

Causinus è Soc. Iesu.

Chrysippus.

Cicero.

Claudianus.

Claudinus Bonon.

Cornelius Tacitus.

Cyprianus.

Cyrus de Pers Eques Hierosol.

D

D Aniel.
 Democritus.
 Diocles.
 Dion.
 Donius.

E

E Mpedocles.
 Ennius.
 Erasmus.
 Euphorion.
 Euripides.
 Eusebius.

F

F Austus.
 Flamma.
 Franciscus Carmenius Bonon.
 Frontinus.

G

G Alenus.
 Garzonius.

Gaudentius.

Gellius.

Glisientus.

Gruterus.

Guidus Casonius.

Gulielmus Dondinus è Soc. Iesu Bon.

H

H Eraclitus.

Herodotus.

Hesiodus.

D. Hieronymus.

Hieronymus Co. Gratianus.

Hieronymus Pretus Bonon.

Hippolytus Grassettus è Soc. Iesu.

Homerus.

Horatius.

Hypocrates.

I

I Acobus Catzius.

Iohannes Argolus.

Io: Bapt. Capponius Bonon.

Io: Bapt. March. Manzinus Bonon.

Io: Bapt. Co: Montalbanus Bonon.

Io:

Io: Barchlauius.

D. iohannes Chrysoſtomus.

Io: Franc. Bonomius Episc. Vercell.

Io: Franciscus Lauredanus N. V.

Iosephus Baptista.

Isagoras.

Iuglaris e Soc. Iesu. —

Iuliu Valerianus Bonomius Bonon.

Iuuenalis.

L

L Aurentius Beyerlinck.

L Laurentius Craſſus.

Leo Allatius.

Lipſius.

Lilius.

Lucius Florus.

Lucretius.

Ludouicus Tingolus.

M

M Accius.

M Maenander.

M Mauezius Sen. Bonon.

M arinus.

Mar-

Martialis.

Mascardus.

Mazzarinus è Soc. Iesu.

Morettus.

Mulonium.

N

N Anquerius.

Natalis Com.

D. Nazianzenus.

O

O Ppianus.

Orosius.

Ouidius.

Ouidius Montalbanus Bonon.

Ovvenus.

P

P Alingenius.

Pausanias.

Periander.

Persius.

Petrarca.

Pe-

Petronius Arbiter.
 Philo.
 Pierius.
 Pindarus.
 Plato.
 Plautus.
 Plinius.
 Plutarchus.
 Pona.
 Pontanus è Soc. Iesu.
 Propertius.
 Pulcarellius è Soc. Iesu.

Q

Q Vintilianus.
 Quintus Curtius.

R

R Eufnerus.
 Rhodiginus.
 Rodulphus Co: Campeggius Bonon.

S

S Allustius.
 Sambucus.

San-

Sannazarius.
 Scipio Henricus.
 Sedullius.
 Seneca.
 Speronius.
 Statius.
 Strada.

T

T Affonius.
 Taurinus.
 Terentius.
 Tertullianus.
 Theognides.
 Thesaurus è Soc. Iesu.
 D. Thomas.
 Thomas Achempis.
 Tibullus.
 Tiraquellus.
 Trismegistus.

V

V Alerius Flaccus.
 Valerius Maximus.
 Varro.

Verinus.
 Vidas.
 Virgilius.
 Vlpianus.

X

X Enophon.
 Xenocrates.
 Xenophanes.

Z

Z Eno.
 Zonaras.
 Zoppius Bonon.

F I N I S.



Vid.

Vid. D. Inuentius Tortus Pœnit. Cleric. Regul.
S. Pauli, pro Illustriss. ac Reuerendiss. D.
Hieronymo Boncompagno Archiep. Bononiae,
& Principe.

P. Pellicanus Canon. Lateran. videat, & referat.

Fr. Io. Vincentius de Paulinis Magister In-
quisitor Bononia.

Sat nunquam videnda, sat nunquam efferenda
vidi, & refero; Reuerendissime Pater F. Io:
Vincenti de Paulinis, Magister, ac Inquisitor
Bononiae. Atque immortales quidem pro
Commissione refero tibi grates; Immortalita-
tem quippe ipsam in Morali hoc Opere, *Chi-*
ron Achillis, sine Nauarchus humana Vita
inscripto, datum fuit & mirari, & admirari. Et
profectò ipsa digniorem vitâ ipsum Emble-
matistitem Excellentiss. Virum Io: *Franciscum*
Bonomium existimo, qui ad veræ portum Vi-
tæ, & felicitatis, gloriosissima Ingenij sui Ar-
go, solertissimis Emblematum remis, perue-
nire Orbem docuit vniuersum. Cùm itaq; ad
Catholicæ Fidei Cynosuram semper vertisse,
nec vnquam in scopulos aut verborum, aut
sensuum Orthodoxæ Religioni repugnantium
incidisse hunc Nauarchum inspexerim, hinc
aureo Typorum vellere decorandum censeo,
ego infra scriptus

D. Theodosius Sanutus Pellicanus Sac. Theol. Doct.
Coll. Canon. Reg. Later.

Impr. natur.

Fr. Io. Vincentius de Paulinis Mag. Inquisit. Bon.



